

ПОСЛЕДОВАНИЕ БОГОСЛУЖЕНИЯ

7 августа 2025 года.

Четверг. Успение прав. Анны, матери Пресвятой Богородицы.

НА 9-М ЧАСЕ:

Вариант «А»:

Тропарь:

Слава Отцу и Сыну и Святому Духу.

Тропарь благоверных князей, глас 2:

Правдивая страстотерпца и истинная Евангелия Христова послушателя, целомудренный Романе с незлобивым Давидом, не сопротив стаста врагу сущу брату, убивающему телеса ваша, душам же коснуться не могущу. Да плачется убо злый властолюбец, вы же, радующиеся с лики Ангельскими, предстояще Святэй Троице, молитесь о державе сродников ваших богоугодней быти и сыновом Российским спастися.

Кондак:

Кондак благоверных князей, глас 3:

Воссия днесь преславная память ваша, благороднии страстотерпцы Христовы, Романе и Давиде, созываючи нас к похвалению Христа Бога нашего. Тем, притекаяще к раце мощей ваших, исцеления дар приемлем молитвами вашими, святии: вы бо божественнии врачеве есте.

Вариант «Б»:

Тропарь:

Тропарь благоверных князей, глас 2:

Правдивая страстотерпца и истинная Евангелия Христова послушателя, целомудренный Романе с незлобивым Давидом, не сопротив стаста врагу сущу брату, убивающему телеса ваша, душам же коснуться не могущу. Да плачется убо злый властолюбец, вы же, радующиеся с лики Ангельскими, предстояще Святэй Троице, молитесь о державе сродников ваших богоугодней быти и сыновом Российским спастися.

Слава Отцу и Сыну и Святому Духу.

Тропарь мученицы, глас 4:

Агница Твоя, Иисусе, Христина зовёт велиим гласом: Тебё, Женише мой, люблю, и, Тебё ищущи, страдальчествую, и сраспинаюся, и спогребаяюся крещению Твоему, и стражду Тебё ради, яко да царствую в Тебё, и умираю за Тя, да и живу с Тобю, но, яко жертву непорочную, прими мя, с любовью пожержуюся Тебё. Тоя молитвами, яко Милостив, спаси души наша.

Кондак:

Кондак благоверных князей, глас 3:

Воссия днесь преславная память ваша, благороднии страстотерпцы Христовы, Романе и Давиде, созываючи нас к похвалению Христа Бога нашего. Тем, притекаяще к раце мощей ваших, исцеления дар приемлем молитвами вашими, святии: вы бо божественнии врачеве есте.

ВСЕДНЕВНАЯ ВЕЧЕРНЯ

Иерей: Благословен Бог наш всегда, ныне и присно, и во веки веков.

Чтец: Аминь.

1 Слава Тебѣ, Бóже наш, слава Тебѣ.

Царю Небесный, Утешителю, Душе истины, Иже везде сый и вся исполняй, Сокровище благих и жизни Подателю, прииди и вселися в ны, и очисти ны от всякия скверны, и спаси, Блаже, души наша.

ТРИСВЯТОЕ ПО ОТЧЕ НАШ:

Чтец: Святыи Бóже, Святыи Крепкий, Святыи Безсмертный, помилуй нас. *(Трижды)*

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святыи, посети и исцели немощи наша, имене Твоего ради.

Господи, помилуй. *(Трижды)*

Слава Отцу и Сыну и Святому Духу, и ныне и присно и во веки веков. Аминь.

Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Иерей: Яко Твое есть Царство и сила и слава Отца и Сына и Святаго Духа, ныне и присно и во веки веков.

Чтец: Аминь. Господи, помилуй. *(12 раз)*

Слава Отцу и Сыну и Святому Духу, и ныне и присно и во веки веков. Аминь.

Приидите, поклонимся Цареву нашему Богу.

Приидите, поклонимся и припадём Христу, Цареву нашему Богу.

Приидите, поклонимся и припадём Самому Христу, Цареву и Богу нашему.

Псалом 103:

Благослови, душе моя, Господа. Господи, Бóже мой, возвеличился еси зело. Во исповедание и в веле лепоту облелся еси. Одейся светом, яко ризою, простираяй небо, яко кожу. Покрываяй водами превыспренняя Своя, полагаяй облаки на восхождение Свое, ходяй на крилу ветреню. Творяй Ангелы Своя дүхи и слуги Своя пламень огненный. Основаяй землю на тверди ея, не преклонится в век века. Бездна, яко риза, одеяние ея, на горах станут воды, от запрещенія Твоего побегнут, от гласа грома Твоего убоятся. Восходят горы и нисходят поля в место, еже основал еси им. Предел положил еси, егóже не прейдут, ниже обратятся покрыти землю. Посылаяй истóчники в дѣбрех, посреде гор пройдут воды. Напаяют вся звери сельныя, ждут онагри в жажду свою. На тых птицы небесныя привитают, от среды каменія дадут глас. Напаяяй горы от превыспренных Своих, от плода дел Твоих насытится земля. Прозябаяй траву скотом, и злак на службу человеком, извести хлеб от земли. И вино веселит сердце человека, умастити лице елеем, и хлеб сердце человека укрепит. Насытятся древа польская, кедри Ливанстии, ихже еси насадил. Тамó птицы вогнездятся, еродиево жилище предводительствует ими. Горы высокия еленем, камень прибежище заяцем. Сотворил есть луну во времена, солнце позна запад свой. Положил еси тму, и бысть ночь, в нейже пройдут вси зверие дубравнии. Скимни рыкающии, восхитити и взыскати от Бóга пищу себе. Возсия солнце и собращася и в лóжах своих лягут. Изыдет человек на дело свое и на делание свое до вечера. Яко возвеличишася дела Твоя, Господи, вся премудростию сотворил еси, исполнися земля твари Твоея. Сиѣ море великое и пространное, тамó гади, имже несть числа, животная малая с великими, тамó корабли преплавают, змий сей, егóже создал еси ругатися ему. Вся к Тебѣ чают, дати пищу им во благо время. Давшу Тебѣ им соберут, отвѣрзшу Тебѣ руку всяческая исполняются благи, отвращу же Тебѣ лице, возьмутся,

¹ Если читался 9-й час: то после возгласа священника: Аминь. Приидите поклонимся...

отъймеша дух их, и исчезнут, и в персть свою возвратятся. Послеси Духа Твоего, и созиждутся, и обновishi лице земли. Буди слава Господня во веки, возвеселится Господь о делех Своих, призирая на землю, и творяя ю трястися, прикасаяся горам, и дымятся. Воспою Господеви в животе моем, пою Богу моему, дондеже есмь, да усладится Ему беседа моя, аз же возвеселюся о Господе. Да исчезнут грешницы от земли, и беззаконницы, якоже не быти им. Благослови, душе моя, Господа. Солнце позна запад свой. Положил еси тму, и бысть ночь. Яко возвеличишася дела Твоя, Господи, вся премудростию сотворил еси.

Слава Отцу и Сыну и Святому Духу и ныне и присно и во веки веков. Аминь.

Аллилуиа, аллилуиа, аллилуиа, слава Тебе Боже. *(Трижды)*.

ВЕЛИКАЯ ЕКТЕНИЯ.

Диакон: Миром Господу помолимся.

Хор: Господи, помилуй. *(На каждое прошение)*

Диакон: О Свѣшнем мире и спасении душ наших, Господу помолимся.

О мире всего мира, благостоянии Святых Божиих Церквей и соединении всех, Господу помолимся.

О святѣм храме сем и с верою, благоговением и страхом Божиим входящих в оны, Господу помолимся.

О великом Господине и Отце нашем Святѣйшем Патриархе Кирилле, и о Господине нашем, Высокопреосвященнейшем митрополите *(или: архиепископе, или: преосвященнейшем епископе имярек)*, честнем пресвитерстве, во Христѣ диаконстве, о всем причте и людех, Господу помолимся.

О Богохранимей стране нашей, властех и воинстве ея, Господу помолимся.

О граде сем *(или о веси сей)*, всяком граде, стране и верою живущих в них, Господу помолимся.

О благорастворении воздушов, о изобилии плодов земных и временах мирных, Господу помолимся.

О плавающих, путешествующих, недугующих, страждущих, плененных и о спасении их. Господу помолимся.

О избавитися нам от всякия скорби, гнева и нужды, Господу помолимся.

Заступи, спаси, помилуй и сохрани нас, Боже, Твоею благодатию.

Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе и друг друга, и весь живот наш Христу Богу предадим.

Хор: Тебе, Господи.

Иерей: Яко подобает Тебе всякая слава честь и поклонение, Отцу и Сыну и Святому Духу, ныне и присно и во веки веков.

Хор: Аминь.

КАФИЗМА ДВЕНАДЦАТАЯ

Псалом 85

Приклони, Господи, ухо Твое, и услыши мя, яко нищ и убог есмь аз. Сохрани душу мою, яко преподобен есмь: спаси раба Твоего, Боже мой, уповающаго на Тя. Помилуй мя, Господи, яко к Тебе воззову весь день. Возвесели душу раба Твоего, яко к Тебе взях душу мою. Яко Ты, Господи, благ и кроток, и многомилостив всем призывающим Тя. Внуши, Господи, молитву мою, и вонми гласу моления моего. В день скорби моея возвах к Тебе, яко услышал мя еси. Несть подобен Тебе в бозех, Господи, и несть по делом Твоим. Все языцы, елики сотворил еси, придут и поклонятся пред Тобою, Господи, и прославят имя

Твое, яко велий еси Ты, и творяй чудеса, Ты еси Бог един. Настави мя, Господи, на путь Твой, и пойду во истине Твоей; да возвеселится сердце мое бояться имени Твоего. Исповемся Тебе, Господи Боже мой, всем сердцем моим, и прославлю имя Твое в век: яко милость Твоя велия на мне, и избавил еси душу мою от ада преисподнейшаго. Боже, законопреступницы восташа на мя, и сонм державных взыскаша душу мою, и не предложаша Тебе пред собою. И Ты, Господи Боже мой, щедрый и милостивый, долготерпеливый, и многомилостивый и истинный, призри на мя и помилуй мя, даждь державу Твою отроку Твоему, и спаси сына рабы Твоея. Сотвори со мною знамение во благо, и да видят ненавидящие мя, и постыдятся, яко Ты, Господи, помог ми и утешил мя еси.

Псалом 86

Основания его на горах святых; любит Господь врата Сиона паче всех селений Иаковлих. Преславная глаголашася о тебе, граде Божий. Помяну Раав и Вавилона ведущим мя, и се иноплеменицы, и Тир, и людие Ефиопстии, сии быша тамо. Мати Сион речет: человек, и человек родился в нем, и Той основа и Вышний. Господь повесть в писании людей, и князей сих бывших в нем. Яко веселящихся всех жилище в тебе.

Псалом 87

Господи Боже спасения моего, во дни возвах, и в ночи пред Тобою. Да внидет пред Тя молитва моя: приклоню ухо Твое к молению моему, яко исполнися зол душа моя, и живот мой аду приблизися. Привменен бых с низходящими в ров, бых яко человек без помощи, в мертвых свободь, яко язвенни спящий во гробе, ихже не помянул еси ктому, и тии от руки Твоея отриновени быша. Положиша мя в ров преисподнем, в темных и сени смертной. На мне утвердися ярость Твоя, и вся волны Твоя навел еси на мя. Удалил еси знаемых моих от мене, положиша мя мерзость себе: предан бых и не исхождах. Очи мои изнемогосте от нищеты, возвах к Тебе, Господи, весь день, вздох к Тебе рuce мой. Еда мертвыми твориши чудеса? Или врачеве воскресят, и исповедятся Тебе? Еда повесть кто во гробе милость Твою, и истину Твою в погибели? Еда познана будут во тьме чудеса Твоя, и правда Твоя в земли забвенней? И аз к Тебе, Господи, возвах и утро молитва моя предварит Тя. Вскую, Господи, отрееши душу мою, отвращаеши лице Твое от мене? Нищ есмь аз, и в труде от юности моея; вознес же ся, смирихся, и изнемогах. На мне преидоша гнєви Твой, устрашения Твоя возмутisha мя, обыдоша мя яко вода, весь день одержаша мя вкупе. Удалил еси от мене друга и искренняго, и знаемых моих от страстей.

Чтец: Слава Отцу и Сыну и Святому Духу.

Хор: И ныне и присно и во веки веков. Аминь.

Аллилуиа, аллилуиа, аллилуиа, слава Тебе Боже. *(Трижды)*

Господи, помилуй. *(Трижды)*

Слава Отцу и Сыну и Святому Духу.

Чтец: И ныне и присно и во веки веков. Аминь.

Псалом 88

Милости Твоя, Господи, во век воспую, в род и род возвещу истину Твою усты моими. Зане рекл еси: в век милость созиждется, на небесах уготовится истина Твоя. Завещав завет избранным моим, кляхся Давиду рабу Моему: до века уготоваю семя твое, и созижду в род и род престол твой. Исповедят небеса чудеса Твоя, Господи, ибо истину Твою в церкви святых. Яко кто во облацех уравнился Господеви? Уподобится Господеви в сынех Божиих? Бог прославляемь в совете святых, велий и страшен есть над всеми окрестными Его. Господи Боже Сил, кто подобен Тебе? Силен еси, Господи, и истина Твоя окрест Тебе. Ты владычествуеши державою морскою: возмущение же волн его Ты укрочаеши. Ты смирил еси яко язвена гордаго, мышцею силы Твоея расточил еси враги

Твоя. Твоя суть небеса, и Твоя есть земля, вселенную и исполнение ея Ты основал еси. Север и море Ты создал еси, Фавор и Ермон о имени Твоем возрадуется. Твоя мьшца с силою: да укрепится рука Твоя, и вознесется десница Твоя. Правда и судьба уготовление престола Твоего: милость и истина предидете пред лицом Твоим. Блажени людие ведущии воскликновение: Господи, во свете лица Твоего пойдут, и о имени Твоем возрадуются весь день, и правдою Твоею вознесутся. Яко похвала силы их Ты еси, и во благоволении Твоем вознесется рог наш. Яко Господне есть заступление, и Святаго Израилева Царя нашего. Тогда глагола еси в видении сыновом Твоим, и рекл еси: положих помощь на сильного, вознесох избраннаго от людей Моих, обретох Давида раба Моего, елеем святым Моим помазах его. Ибо рука Моя заступит его, и мьшца Моя укрепит его, ничтоже успеет враг на него, и сын беззакония не приложит озлобити его: и ссеку от лица его враги его, и ненавидящия его победю. И истина Моя и милость Моя с ним, и о имени Моём вознесется рог его, и положу на мори руку его, и на реках десницу его. Той призовет Мя: Отец мой еси Ты, Бог мой и заступник спасения моего. И Аз первенца положу его, высокая паче царей земных: в век сохраню ему милость Мою, и завет Мой верен ему, и положу в век века семя его, и престол его яко дние неба. Аще оставят сынове его закон Мой, и в судьбах Моих не пойдут, аще оправдания Моя осквернят, и заповедей Моих не сохранят, посещу жезлом беззакония их, и ранами неправды их, милость же Мою не разорю от них, ни преврежду во истине Моёй, ниже оскверню завета Моего, и исходящих от уст Моих не отвергуся. Единою кляхся о святем Моём, аще Давиду солжу? Семя его во век пребудет, и престол его, яко солнце предо Мною, и яко луна совершена в век, и Свидетель на небеси верен. Ты же отринул еси и унижил, негодовал еси помазаннаго Твоего, разорил еси завет раба Твоего, осквернил еси на земли святыню его: разорил еси вся олты его, положил еси твердая его страх. Расхищашу его вси мимоходящии путем, бысть поношение соседом своим. Возвысил еси десницу стужающих ему, возвеселил еси вся враги его: отвратил еси помощь меча его, и не заступил еси его во брани. Разорил еси от очищения его, престол его на землю повергл еси, умалил еси дни времени его, облил еси его студом. Доколье, Господи, отвращаешься в конец? Разжжётся яко огонь гнев Твой? Помяни, кий мой состав, еда бо все создал еси вся сыны человеческия? Кто есть человек, иже поживёт и не узрит смерти, избавит душу свою из руки адовы? Где суть милости Твоя древняя, Господи, имиже клялся еси Давиду во истине Твоёй? Помяни, Господи, поношение раб Твоих, еже удержал в недре моём многих язык, имиже поносиша врази Твои, Господи, имиже поносиша изменению христа Твоего. Благословен Господь во век, буди, буди.

Чтец: Слава Отцу и Сыну и Святому Духу.

Хор: И ныне и присно и во веки веков. Аминь.

Аллилуиа, аллилуиа, аллилуиа, слава Тебе Боже. *(Трижды)*

Господи, помилуй. *(Трижды)*

Слава Отцу и Сыну и Святому Духу.

Чтец: И ныне и присно и во веки веков. Аминь.

Псалом 89

Господи, прибежище был еси нам в род и род. Прежде даже горам не быти и создатися земли и вселенней, и от века и до века Ты еси. Не отврати человека во смирение, и рекл еси: обратитесь, сынове человечести. Яко тысяща лет пред очима Твоима, Господи, яко день вчерашний, иже мимоиде, и стража ночная. Уничжения их лета будут. Утро яко трава мимоидет, утро процветет и преидет: на вечер отпадет ожестеет и исхнет. Яко исчезохом гневом Твоим, и яростию Твоею смутихомся. Положил еси беззакония наша пред Тобою: век наш в просвещение лица Твоего. Яко вси дние наши оскудеша, и гневом Твоим исчезохом, лета наша яко паучина поучахуся. Дние лет наших, в нихже седьдесят

лет, аще же в силах, осьмьдесят лет, и множае их труд и болѣзнь: яко прииде кротость на ны, и накажемся. Кто весть державу гнѣва Твоего, и от страха Твоего, ярость Твою исчесті? Десницу Твою тако скажи ми, и окованныя сердцем в мудрости. Обратися, Господи, доколе? И умолен буди на рабы Твоя. Исполнихомся заутра милости Твоея, Господи, и возрадовахомся, и возвеселихомся, во вся дни наша возвеселихомся, за дни в няже смирил ны еси, лета в няже видехом злая. И призри на рабы Твоя, и на дела Твоя, и настави сыны их. И буди светлость Господа Бога нашего на нас, и дела рук наших исправи на нас, и дело рук наших исправи.

Псалом 90

Живый в помощи Вышняго, в крове Бога небеснаго водворится. Речет Господеви: Заступник мой еси и прибежище мое, Бог мой, и уповаю на Него. Яко Той избавит тя от сети ловчи и от словесе мятежна, плещма Своима осенит тя, и под криле Его надеешися: оружием объдет тя истина Его. Не убойшия от страха ночнаго, от стрелы летящия во дни, от вещи во тме преходящия, от сряща и беса полуденнаго. Падет от страны твоея тысяща, и тма одесную тебе, к тебе же не приблизится, обаче очима твоима смотриши и воздаяние грешников узриши. Яко Ты, Господи, упование мое, Вышняго положил еси прибежище твое. Не придет к тебе зло, и рана не приблизится телеси твоему, яко Ангелом Своим заповесть о тебе, сохранити тя во всех путех твоих. На руках возмут тя, да не когда преткнеши о камень ногу твою, на аспида и василиска наступиши, и попереши льва и змия. Яко на Мя упова, и избавлю и, покрью и, яко позна имя Моё. Воззовет ко Мне, и услышу его, с ним есмь в скорби, изму его и прославлю его, долготю дней исполню его и явлю ему спасение Моё.

Слава Отцу и Сыну и Святому Духу и ныне и присно и во веки веков. Аминь.

Аллилуйя, аллилуйя, аллилуйя, слава Тебе, Боже. (Трижды).

ЕКТЕНИЯ МАЛАЯ

Диакон: Паки и паки, миром Господу помолимся.

Хор: Господи, помилуй.

Диакон: Заступи, спаси, помилуй и сохрани нас, Боже, Твоею благодатию.

Хор: Господи, помилуй.

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувшие, сами себе и друг друга, и весь живот наш Христу Богу предадим.

Хор: Тебе, Господи.

Иерей: Яко Твоя держава, и Твое есть Царство, и сила, и слава, Отца, и Сына, и Святаго Духа, ныне и присно, и во веки веков.

Хор: Аминь.

СТИХИРЫ НА ГОСПОДИ ВОЗВѦХ, ГЛАС 4:

Канонарх: Глас четвертый, Господи, воззвах к Тебе, услыши мя.

Хор: Господи, воззвах к Тебе, услыши мя. Услыши мя, Господи. Господи, воззвах к Тебе, услыши мя: вонми гласу моления моего, вегда воззвати ми к Тебе. Услыши мя, Господи. Да исправится молитва моя, яко кадило пред Тобою, воздеяние руку моею – жертва вечерняя. Услыши мя, Господи.

Стихиры святой, глас 4:

На 6. Стих: **Аще беззакония назириши, Господи, Господи, кто постоит? Яко у Тебе очищение есть.**

Законы оправдания соблюдаючи невредимо и Богу Вседержителю непорочно работаючи, сподобилася еси, Анно, матери быти по плоти Христа рождшей Чистой

Богоотроковице, с Неюже ты ублажаем и святое твоё успение радостною мыслию празднуем днесь.

Стих: Имене ради Твоего потерпех Тя, Господи, потерпé душá моя в слово Твое, уповá душá моя на Господа.

Жизни палату, Анно Богомудрая, рождши, к жизни преставилася еси воистинну нетленней и совокупаешься с лики праведных, питающих тя богáтно Владычною радостию; темже твоё преставление совершаем, приснопоминаемая, и верно почитаем, Богомудрии, днесь.

На 4. Стих: От стражи утренняя до нощи, от стражи утренняя, да уповаёт Израиль на Господа.

Дверь Небесную, Анно Богомудрая, рождши, к Небесному селению востекла еси, славная, и славы Божественныя ныне наслаждаешься. Ейже и нас, честное твоё успение празднующих, молитвами твоими сподоби, страстей мрак разоряючи и лютых обстояний мглу отгонящи.

Ины стихиры святой, глас 1:

Стих: Яко у Господа милость, и многое у Него избавление, и Той избавит Израиля от всех беззаконий его.

Се светозарное торжество и светлый день и миру, радостный, успение честное и достохвальное Анны благославныя, из неяже родися Жизнь рождающая, одушевленный кивот, невместимое Слово вместившая, печали разрешение и радости Ходатаица, подающая всем верным велию милость.

На 2. Стих: Хвалите Господа вси языцы, похвалите Его вси людие.

О, преславного чудесе! Источник жизни преславно рождающая, едину в женах благословенную Чистую, представляется от временныя жизни к безконечней Анна благославная, от земли вземшися к Небесным, днесь срадоватися ангельским собором, еяже ныне святое празднуем торжество.

Стих: Яко утвердися милость Его на нас, и истина Господня пребывает во век.

Днесь светлое торжество, верных лица, успение твоё честное почитаем всеблагословенно Божественным Духом: настá бо нам исцелений блистающая благодать, и поपालяющая воздушных духов лукавых совокупления, и светом наставляющая мысли верою воспевующих твоё, досточудная Анно честное преставление.

Слава и ныне, стихира святой, глас 8:

Иже от неплодных чресл жезл святей, Богородицу, прозябший из Нейже спасение миру возсия – Христос Бог, супруг непорочный и двоице святая, Иоаким и Анна; сии бо, преставльшеся к Небесным селением, со Дщерью своею Пречистою Девойю и со Ангелы ликуют, о мире молитву творяще. Иже и мы, сошедшеся, благочестно поюще, глаголем: иже Богоотроковицы ради и Пречистыя Марии, праотцы Христовы бывше, молитесь о душах наших.

ВХОДА НЕТ:

Хор: Свете Тихий святых славы Безсмертнаго Отца Небеснаго, Святаго, Блаженнаго, Иисусе Христэ! Пришедше на запад солнца, видевше свет вечерний, поём Отца, Сына и Святаго Духа, Бога. Достóин еси во вся времена пет быти гласы преподобными, Сыне Божий, живот дай; темже мир Тя славит.

Диакон: Вонмем.

Иерей: Мир всем.

Хор: И духови твоему.

Диакон: Премудрость вонмем.

ПРОКІМЕН ВЕЧЕРНИ:

Диакон: Прокімен, **глас 5:** Бóже, во Ёмя Твоё спасі мя, и в сіле Твоёй суді ми.

Хор: Бóже, во Ёмя Твоё спасі мя, и в сіле Твоёй суді ми.

Диакон: Бóже, услыши мо́литву мою́, внуши́ глаго́лы уст мо́их.

Хор: Бóже, во Ёмя Твоё спасі мя, и в сіле Твоёй суді ми.

Диакон: Бóже, во Ёмя Твоё спасі мя.

Хор: И в сіле Твоёй суді ми.

СПОДОБИ, ГОСПОДИ:

Чтец: Сподóби, Гóсподи, в вéчер сей без грехá сохранітисѧ нам. Благословéн еси́, Гóсподи, Бóже отéц нáших, и хвáльно и прослáвлено ёмя Твоё во вéки. Амíнь. Бúди, Гóсподи, мíлость Твоѧ на нас, ѧкоже уповáхом на Тя. Благословéн еси́, Гóсподи, научі мя оправдáнием Твоём. Благословéн еси́, Влады́ко, вразумі мя оправдáнием Твоём. Благословéн еси́, Святы́й, просветі мя оправдáнии Твоими́. Гóсподи, мíлость Твоѧ во век, дел рукú Твоёю не прéзри. Тебé подобáет хвалá, Тебé подобáет пéние, Тебé слáва подобáет, Отцú и Сýну и Свято́му Дúху, ны́не и прісно и во вéки векóв. Амíнь.

ЕКТЕНИЯ ПРОСИТЕЛЬНАЯ:

Диакон: Испóлним вéчернюю мо́литву нáшу Гóсподеви.

Хор: Гóсподи, помíлуй.

Диакон: Заступі, спасі, помíлуй и сохрані нас, Бóже, Твоёю благодáтию.

Хор: Гóсподи, помíлуй.

Диакон: Вéчера всего́ совершéнна, свѧта, мíрна и безгрéшна у Гóспода прóсим.

Хор: Подáй, Гóсподи. *(На кáждое прошéние)*

Диакон: А́нгела мíрна, вёрна настáвника, хранітеля душ и телéс нáших, у Гóспода прóсим.

Прощéния и оставлéния грехóв и прегрешéний нáших у Гóспода прóсим.

Дóбрых и полéзных душáм нáшим и мíра мíрови у Гóспода прóсим.

Прóчее врéмя животá нáшего в мíре и покая́нии скончáти у Гóспода прóсим.

Христиáнскія кончíны животá нáшего, безболéзненны, непосты́дны, мíрны и дóбраго отвéта на Стрáшнем Судіщи Христóве прóсим.

Пресвятúю, Пречістúю, Преблагословéнную, Слáвную Влады́чицу нáшу Богорóдицу и Приснодéву Марію, со всéми свѧты́ми помяну́вше, сáми себé, и дрúг дрúга, и весь живóт наш Христú Бóгу предад́им.

Хор: Тебé, Гóсподи.

Иерей: Ъко Блáг и Человеколю́бец Бог еси́, и Тебé слáву возсыла́ем, Отцú и Сýну и Свято́му Дúху, ны́не и прісно и во вéки векóв.

Хор: Амíнь.

Иерей: Мир всем.

Хор: И дúхови твоёмú.

Диакон: Главы́ нáша Гóсподеви приклóним.

Хор: Тебé, Гóсподи.

Иерей: Бúди держáва Цáрствія Твоегó благословéна и препрослáвлена. Отцá и Сýна и Свята́го Дúха, ны́не и прісно и во вéки векóв.

Хор: Амíнь.

СТИХІРЫ НА СТИХÓВНЕ, ГЛАС 5:

Канонáрх: **Глас пѧтый,** Рáдуйся, мýсленная лáстовице.

Стихи́ры священномученика, **глас 5:**

Хор:

Ра́дуйся, мы́сленная ла́стовице, вѣсну благодáти нам возвестѣвшая, непорóчно в целомúдри и жѣтельствовавши дóбре, и дѣвства сокрóвице, чѣстно болѣзновавшая, Непорóчную Богорóдицу, áгнице честнáя, яже рóждшая Юницу, взѣмлющаго Áгнца мѣра прегрѣшенѣя, слóвом Слово рóждшую, едѣну Неискусомúжную, Áнно, прамáти Госпóдня, тя от землѣ пресѣльшаго. Егóже ны́не моли́ душáм нáшим даровáти вѣлию мѣлость.

Стѣх 1: Ра́дуйтесь, прáведнии, о Гóсподе, прáвым подобáет похвалá.

Ра́дуйся, вожделѣнная Бóгу, избрáнная святосты́ми сия́нии закóна, двóице честнáя, яже изъявлѣния дóбре Божѣственнойю благодáтию предлагáющая, Христá рóждшую, Начáльника жѣзни нáшея, Та родѣвши, Иоакѣм Богоприятный и Божѣственная Áнна всечестнáя, светѣльницы, возсия́вшии свещú безсѣнную, благопрáвлящии благодáть, Пречѣистую Богорóдицу. С Нѣюже моли́тесь душáм нáшим даровáти вѣлию мѣлость.

Стѣх 2: Блажѣни вси, бо́ящиися Гóспода, ходя́щи и в путѣх Егó.

Ра́дуйся, благословѣнная землѣ, яже Богопрозябшую мѣрови зѣмлю процвѣтшая, яже в закóне Божѣственном безпрѣстáни поучáющаяся и благодáть всем подписáвшая, союз неплóдствия рождѣством своим избѣгшая, и смѣртию нетлѣние возда́ющая, и к Божѣственной прѣстáвляющаяся свѣтлости Áнна Богоблажѣнная, прамáти Христá Бóга, яже светонóсный светѣльник – Богорóдицу рóждшая. С Нѣюже испроси́ душáм нáшим даровáти вѣлию мѣлость.

Слáва и ны́не, стихѣра святой, глас 8:

Приидѣте, вся тварь, в кимвáлех псалóмски, сошѣдшеся, восхвáлим Áнну Богомúдрую, Божѣственную гóру рóждшую от ложѣсн своих и к горѣ мы́сленней и рáйским селѣнием днесь преминúвшую, и к ней возопѣем: блажѣнное чрѣво твоѣ, носѣвшее воѣстинну Свет мѣрови внúтри во чрѣве носѣвшую, и сосцá твоя́ красная, яже ссáше доѣвшая Христá, пишу́ жѣзни нáшея. Егóже моли́ избáвити нас от вся́кия скóрби и прилóга вра́жия и спастѣ дýши нáша.

Моли́тва свято́го симеóна богоприѣмца:

Чтец: Ны́не отпу́щáеши раба́ Твоегó, Влады́ко, по глаго́лу Твоему́, с мѣром; я́ко видѣста óчи мой спасѣние Твоѣ, е́же еси́ уготóвал пред лицѣм всех людѣй, свет во откровѣние язы́ков, и слáву людѣй Твоѣх Израѣиля.

ТРИСВЯТО́Е ПО О́ТЧЕ НАШ:

Святѣй Бóже, Святѣй Кре́пкий, Святѣй Безсмѣртный, помѣлуй нас. *(Трижды)*

Слáва Отцú и Сы́ну и Свято́му Дúху, и ны́не и прѣсно и во вѣки векóв. Амѣнь.

Пресвятáя Трóице, помѣлуй нас; Гóсподи, очѣисти грехѣи нáша; Влады́ко, прости́ беззакóния нáша; Святѣй, посети́ и исцѣли́ нѣмощи нáша, ѣмене Твоегó рáди.

Гóсподи, помѣлуй, *(Трижды)*

Слáва Отцú и Сы́ну и Свято́му Дúху, и ны́не и прѣсно и во вѣки векóв. Амѣнь.

Óтче наш, Ё́же еси́ на Небесѣх, да святѣтся ѣмя Твоѣ, да приѣдет Цáрствие Твоѣ, да бúдет воля́ Твоя́, я́ко на Небесѣх и на землѣ. Хлеб наш насúщный дáждь нам днесь; и оста́ви нам дóлги нáша, я́коже и мы оставлѣем должникóм нáшим; и не введѣ нас во искушѣние, но избáви нас от лука́ваго.

Иерѣй: Я́ко Твоѣ есть Цáрство и сѣла и слáва Отцá и Сы́на и Свята́го Дúха, ны́не и прѣсно и во вѣки векóв.

Хор: Амѣнь.

ТРОПА́РЬ ПО ТРИСВЯТО́М:

Тропа́рь святой, глас 4:

Жизнь рóждшую во чрéве носíла есѣ, Чíстую Богомáтерь, Богомúдрая Áнно. Тémже к прíятию Небéсному, идéже веселящихся жилище, в слáве рáдующися, нýне престáвилася есѣ, чтúщим тя любóвию прегрешéний просящи очищéние, присноблажéнная.

(Едíножды)

ЕКТЕНИЯ СУГÚБАЯ:

Диáкон: Помíлуй нас, Бóже, по велицей мíлости Твоéй, мóлим Ти ся, услýши и помíлуй.

Хор: Гóсподи, помíлуй. *(Трѣжды на кáждое прошéние.)*

Диáкон: Ещé мóлимся о Великом Гóсподíне и Отцé нáшем Святéйшем Патриáрхе Кирилле, и о Гóсподíне нáшем Высокопреосвящéнейшем митрополíte Ювенáлии, или: Преосвящéнейшем архиепíскопе, или: Преосвящéнейшем епíскопе) (имярек)], и всей во Христé брáтии нáшей.

Ещé мóлимся о Богохранímей странé нáшей, властéх и во́инстве ея́, да т́хое и безмóлвное житиé поживém во вся́ком благочéстии и чистотé.

Ещé мóлимся о блажéнных и приснопáмятных создáтелях святáго хрáма сегó (если в монастыре: святýя обíтели сея́), и о всех преждепочívших отцéх и брáтиях, зде лежáщих и повсю́ду, правослáвных.

Ещé мóлимся о мíлости, жízни, мíре, здравии, спасéнии, посещéнии, прощéнии и оставлéнии грехóв рабóв Бóжиих, брáтии святáго хрáма сегó (если в монастыре: святýя обíтели сея́).

Ещé мóлимся о плодоносящих и добродéющих во святém и всечестнém хрáме сем, тружда́ющихся, пою́щих и предстоящих лю́дех, ожида́ющих от Тебé великия и богáтыя мíлости.

Иерéй: Яко Мíлостив и Человеколю́бец Бог есѣ, и Тебé слáву возсыла́ем, Отцú и Сýну и Святóму Дúху, нýне и прísно и во вéки векóв.

Хор: Амíнь.

Диáкон: Премúдрость.

Хор: Благословí.

Иерéй: Сый благословéн Христóс Бог наш, всегда́, нýне и прísно и во вéки векóв.

Хор: Амíнь. Утвердí, Бóже, святúю правослáвную вéру, правослáвных христиáн во век вéка.

Когда́ úтренняя не присоединя́ется к вечерни, окончáние такóе:

Иерéй: Пресвятáя Богорóдице, спаси́ нас.

Хор: Честнéйшую Херувím и Слáвнейшую без сравнéния Серафím, без истлéния Бóга Сло́ва рóждшую, сýщую Богорóдицу, Тя велича́ем.

Иерéй: Слáва Тебé, Христé Бóже, Уповáние нáше, слáва Тебе.

Хор: Слáва Отцú и Сýну и Святóму Дúху, и нýне и прísно и во вéки векóв. Амíнь. Гóсподи, помíлуй. *(Трѣжды)* Благословí.

Иерéй: Произносит праздничный или дневной отпуст.

Хор: Великаго Господíна и Отцá нáшего Кирилла, Святéйшаго Патриáрха Москóвского и всея́ Русí, и Господíна нáшего *(Высоко)*Преосвящéнейшаго *(имярек)*, *(архи)*епíскопа *(митрополита (титул))*, богохранímую странú нáшу Россíйскую, настоятеля, брáтию и прихо́жан святáго хрáма сегó и вся правослáвныя христиáны, Гóсподи, сохрани́ их на мно́гая лéта.

УТРЕНЯ

Иерей: Сла́ва Святе́й, и Единосущней, и Животворящей, и Нераздельней Троице всегда́, ны́не и прѣсно, и во ве́ки веко́в.

Чтец: Ами́нь.

ШЕСТОПСАЛМИЕ:

Чтец:

Сла́ва в вы́шних Бо́гу, и на землі мир, в челове́цех благоволе́ние. (*Трижды*).

Го́споди, устне́ мои отвѣрзеши, и уста́ моя возвестя́т хвалу́ Твою́. (*Дважды*).

Псалом 3:

Го́споди, что ся умно́жиша стужа́ющие ми́? Мнози востаю́т на мя, мнози глаго́лют души́ мое́й: несть спасе́ния е́му в Бо́зе егѡ. Ты же, Го́споди, Засту́пник мой еси́, сла́ва моя́ и вознося́й главу́ мою́. Гласом мо́им ко Го́споду воззва́х, и услы́ша мя от горы́ святы́я Своея́. Аз усну́х, и спях, воста́х, я́ко Господь засту́пит мя. Не убою́ся от тем люде́й, о́крест напа́дающих на мя. Воскресни́, Го́споди, спаси́ мя, Бо́же мой, я́ко Ты порази́л еси́ вся вражду́ющыя ми всу́е: зу́бы грѣшников сокруши́л еси́. Господне́ есть спасе́ние, и на лю́дех Твои́х благослове́ние Твое́.

Аз усну́х, и спях, воста́х, я́ко Господь засту́пит мя.

Псалом 37:

Го́споди, да не я́ростию Твоею́ обличи́ши мене́, ниже́ гне́вом Твои́м нака́жеша мене́. Я́ко стрѣлы Твоя́ унзо́ша во мене́, и утверди́л еси́ на мене́ ру́ку Твою́. Нестъ исцеле́ния в плѡти мое́й от лица́ гне́ва Твоегѡ, несть ми́ра в костѣх мои́х от лица́ грех мои́х. Я́ко беззакѡнны́я моя́ превзыдо́ша главу́ мою́, я́ко бре́мя тяжкое́ отяготѣша на мене́. Возсмерде́ша и согни́ша ра́ны моя́ от лица́ безу́мия моего́. Пострада́х и сляко́хся до конца́, весь день се́туя хожда́х. Я́ко лядвья́ моя́ напо́лнишася поруга́ний, и несть исцеле́ния в плѡти мое́й. Озло́блен бых и смири́хся до зела́, рыка́х от воздыха́ния се́рдца моего́. Го́споди, пред Тобо́ю все желáние моё́ и воздыхáние моё́ от Тебе́ не утайся. Се́рдце моё́ смяте́ся, оста́ви мя си́ла моя́, и свет о́чию моею́, и той несть со мно́ю. Друзи́ мой и и́скреннии мой пря́мо мне прибли́жишася и ста́ша, и бли́жнии мой отдалече́ мене́ ста́ша и нужда́хуся и́щущи ду́шу мою́, и и́щущи злáя мне глаго́лаху суетна́я и льсти́вным весь день поучáхуся. Аз же я́ко глух не слы́шах и я́ко нем не отверза́яй уст свои́х. И бых я́ко человек не слы́шай и не имы́й во устѣх свои́х обличѣ́ния. Я́ко на Тя, Го́споди, упова́х, Ты услы́шиши, Го́споди Бо́же мой. Я́ко рех: да не когда́ пора́дуют ми ся врази́ мой: и внегда́ подви́жатися нога́м мои́м, на мя велере́чеваша. Я́ко аз на ра́ны гото́в, и болѣзнь моя́ предо мно́ю́ есть вѣну́. Я́ко беззакѡ́ние моё́ аз возвещу́ и попеку́ся о гресе́ моём. Врази́ же мой живу́т и укрепи́шася па́че мене́, и умно́жишася ненави́дящии мя без пра́вды. Возда́ющии ми злáя возблага́я оболга́ху мя, зане́ гоня́х благосты́ню. Не оста́ви мене́, Го́споди Бо́же мой, не отступи́ от мене́. Вонми́ в по́мощь мою́, Го́споди спасе́ния моего́.

Не оста́ви мене́, Го́споди Бо́же мой, не отступи́ от мене́. Вонми́ в по́мощь мою́, Го́споди спасе́ния моего́.

Псалом 62:

Бо́же, Бо́же мой, к Тебе́ у́треннюю, возжа́да Тебе́ душа́ моя́, коль мно́жицею Тебе́ плоть моя́, в землі пу́сте и непрохо́дне, и безво́дне. Та́ко во святѣм яви́хся Тебе́, видети́ си́лу Твою́ и сла́ву Твою́. Я́ко лу́чши ми́лость Твоя́ па́че живѡт, устне́ мой похвалите́ Тя. Та́ко благословлю́ Тя в животе́ моём, о́ имени Твоем воздежу́ ру́це мой. Я́ко от ту́ка и ма́сти да испо́лнится душа́ моя́, и устна́ма ра́дости восхва́лят Тя уста́ моя́. А́ще помина́х Тя на постѣли́ мое́й, на у́тренних поучáхся в Тя. Я́ко был еси́ Помощник мой, и в кро́ве крилу́ Твоею́ возра́дуюся. Прильпе́ душа́ моя́ по Тебе́, мене́ же прѣят десни́ца Твоя́. Ти́и же всу́е иска́ша ду́шу мою́, вни́дут в преиспо́дня землі́, преда́дутся в ру́ки ору́жия, ча́сти

лісовом будуть. Царь же возвеселітся о Бóзе, похвалітся всяк кленійся Им, яко заградішася уста глаголющих неправедная.

На ўтренних поучахся в Тя. Яко был есі Помóщник мой, и в крóве крилу́ Твоёю возрадоуюся. Прильпé душá моя по Тебé, менé же пріят десніца Тво́я.

Сла́ва Отцú и Сы́ну и Свято́му Дúху, и ны́не и прісно и во ве́ки веко́в. Ами́нь.
Аллилу́иа, аллилу́иа, аллилу́иа, сла́ва Тебé Бóже. *(Трижды)*.

Гóсподи помілуй, *(Трижды)*.

Сла́ва Отцú и Сы́ну и Свято́му Дúху, и ны́не и прісно и во ве́ки веко́в. Ами́нь.

Псалóм 87:

Гóсподи Бóже спасéния моего́, во дни воззва́х, и в но́щи пред Тобóю. Да внідет пред Тя моли́тва моя́: приклоні́ ўхо Твоé к молéнию моему́, яко испóлнися зол душá моя́, и живóт мой аду прибли́жися. Привменéн бых с низходя́щими в ров, бых яко человек без по́мощи, в мёртвых свобóдь, яко я́звеннии спя́щии во грóбе, ихже не помяну́л есі ктому́, и тии от рукі́ Твое́я отринóвєни бы́ша. Положи́ша мя в рóве преиспóднем, в тёмных и сєни смёртней. На мне утверди́ся я́рость Тво́я, и вся вóлны Тво́я навёл есі на мя. Уда́лил есі зна́емых мо́их от менé, положи́ша мя мёрзость себе́: прéдан бых и не исхожда́х. Óчи мо́и изнемогóсте от нищеты́, воззва́х к Тебé, Гóсподи, весь день, воздéх к Тебé рúце мо́и. Еда́ мёртвыми твори́ши чудеса́? Или́ вра́чеве воскресят, и исповéдятся Тебé? Еда́ пове́сть кто во грóбе мило́сть Твою́, и й́стину Твою́ в погібели? Еда́ познána бóдут во тьме чудеса́ Тво́я, и прáвда Тво́я в землі забвённой? И аз к Тебé, Гóсподи, воззва́х и ўтро моли́тва мо́я предварі́т Тя. Вскúю, Гóсподи, отрее́ши дúшу мою́, отвраща́еши лице́ Твоé от менé? Нищ есмь аз, и в трудéх от ю́ности мое́я; вознэс же ся, смири́хся, и изнемогóх. На мне преидóша гнэ́ви Тво́и, устрашéния Тво́я возмуті́ша мя, обыдо́ша мя яко вода́, весь день одержáша мя вку́пе. Уда́лил есі от менé дру́га и й́скренняго, и зна́емых мо́их от страстéй.

Гóсподи Бóже спасéния моего́, во дни воззва́х, и в но́щи пред Тобóю. Да внідет пред Тя моли́тва моя́: приклоні́ ўхо Твоé к молéнию моему́.

Псалóм 102:

Благослови́, душé моя́, Гóспода, и вся внúтренняя мо́я й́мя свято́е Егó. Благослови́, душé моя́, Гóспода, и не забыва́й всех воздая́ний Егó, очища́ющаго вся беззакóния тво́я, исцеля́ющаго вся недúги тво́я, избавля́ющаго от истлéния живóт твой, венча́ющаго тя мило́стию и щедрóтами, исполня́ющаго во благі́х желáние твоé: обнові́тся яко óрля ю́ность тво́я. Твори́й мило́стыни Госпóдь, и судьбу́ всем обидимым. Сказа́ пути́ Сво́я Моисéови, сыновóм Изра́иловым хотéния Сво́я: Щедр и Мило́стив Госпóдь, Долготерпелів и Многомило́стив. Не до концá прогнэ́вается, ниже́ во век враждúет, не по беззакóнием нáшим сотвори́л есть нам, ниже́ по грехóм нáшим воздál есть нам. Яко по высотé небéсней от землі, утверди́л есть Госпóдь мило́сть Свою́ на боя́щихся Егó. Ели́ко отстоя́т востóцы от за́пад, уда́лил есть от нас беззакóния нáша. Якоже щедрит отéц сы́ны, ущедри́ Госпóдь боя́щихся Егó. Яко Той познá создáние нáше, помяну́, яко персть есмь. Человек, яко трава́ днєе егó, яко цвет сéльный, тáко оцветёт, яко дух прóйде в нем, и не бóдет, и не позна́ет ктому́ мéста своего́. Мило́сть же Госпóдня от вéка и до вéка на боя́щихся Егó, и прáвда Егó на сынéх сыно́в, храня́щих завет Егó, и по́мнящих за́поведи Егó твори́ти я́. Госпóдь на Небесі́ уготóва Престóл Сво́й, и Цáрство Егó всéми облада́ет. Благослови́те Гóспода вси А́нгели Егó, сільнии крéпостию, твори́щии слóво Егó, услы́шати глас словéс Егó. Благослови́те Гóспода вся Сі́лы Егó, слугі́ Егó, твори́щии вóлю Егó. Благослови́те Гóспода вся делá Егó, на всяком мéсте влады́чества Егó, благослови́, душé моя́, Гóспода.

На всяком мéсте влады́чества Егó, благослови́, душé моя́, Гóспода.

Псалóм 142:

Господи, услыши молитву мою, внуши моление мое во истине Твоей, услыши мя в правде Твоей и не вниди в суд с рабом Твоим, яко не оправдится пред Тобою всяк живой. Яко погна враг душу мою, смирил есть в землю живот мой, посадил мя есть в темных, яко мертвые века. И уни во мне дух мой, во мне смятеся сердце мое. Помянух дни древния, поучихся во всех делах Твоих, в творениях руку Твоею поучахся. Воздох к Тебе руке мой, душа моя, яко земля безводная Тебе. Скоро услыши мя, Господи, исчезе дух мой, не отврати лица Твоего от мене, и уподоблюся низходящим в ров. Слышану сотвори мне завтра милость Твою, яко на Тя уповах. Скажи мне, Господи, путь вонже пойду, яко к Тебе взях душу мою. Изми мя от враг моих, Господи, к Тебе прибегах. Научи мя творити волю Твою, яко Ты еси Бог мой. Дух Твой Благий наставит мя на землю праву. Имене Твоего ради, Господи, живиши мя, правдою Твоею изведеши от печали душу мою. И милостию Твоею потребиши враги моя и погубиши вся стужающыя души моей, яко аз раб Твой есмь.

Услыши мя, Господи, в правде Твоей и не вниди в суд с рабом Твоим.

Услыши мя, Господи, в правде Твоей и не вниди в суд с рабом Твоим.

Дух Твой Благий наставит мя на землю праву.

Слава Отцу и Сыну и Святому Духу, и ныне и присно и во веки веков. Аминь.

Аллилуиа, аллилуиа, аллилуиа, слава Тебе Боже. *(Трижды)*.

ВЕЛИКАЯ ЕКТЕНИЯ.

Диакон: Миром Господу помолимся.

Хор: Господи, помилуй. *(На каждое прошение)*

Диакон: О Свѣшнем мире и спасении душ наших, Господу помолимся.

О мире всего мира, благостоянии Святых Божиих Церквей и соединении всех, Господу помолимся.

О святем храме сем и с верою, благоговением и страхом Божиим входящих в оны, Господу помолимся.

О великом Господине и Отце нашем Святѣйшем Патриархе Кирилле, и о Господине нашем, Высокопреосвященнейшем митрополите (или: архиепископе, или: преосвященнейшем епископе имярек), честнем пресвитерстве, во Христе диаконстве, о всем причте и людех, Господу помолимся.

О Богохранимей стране нашей, властех и воинстве ея, Господу помолимся.

О граде сем *(или о веси сей)*, всяком граде, стране и верою живущих в них, Господу помолимся.

О благорастворении воздушов, о избобилии плодов земных и временах мирных, Господу помолимся.

О плавающих, путешествующих, недугующих, страждущих, плененных и о спасении их. Господу помолимся.

О избавитися нам от всякия скорби, гнева и нужды, Господу помолимся.

Заступи, спаси, помилуй и сохрани нас, Боже, Твоею благодатию.

Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе и друг друга, и весь живот наш Христу Богу предадим.

Хор: Тебе, Господи.

Иерей: Яко подобает Тебе всякая слава честь и поклонение, Отцу и Сыну и Святому Духу, ныне и присно и во веки веков.

Хор: Аминь.

ТРОПАРИ НА БОГ ГОСПОДЬ, ГЛАС 4:

Диакон: Бог Господь, и явился нам, благословен Грядый во Имя Господне.

Стих 1: Исповедаетесь Господеви, яко благ, яко в век милость Его.

Хор, глас 4: Бог Господь, и явился нам, благословен Грядый во Имя Господне.

(И далее на каждый стих)

Стих 2: Обышедше обыдоша мя, и Именем Господним противляхся им.

Стих 3: Не умру, но жив буду, и повею дела Господня.

Стих 4: Камень, Егоже небрегоша зыждущии, Сей бисть во главу угла, от Господа бысть Сей, и есть дивен во очесех наших.

Хор:

Тропарь святой, глас 4:

Жизнь рождшую во чреве носила еси, Чистую Богоматерь, Богомудрая Анно. Темже к приятию Небесному, идеже веселящихся жилище, в славе радуешься, ныне преставилася еси, чтущим тя любовью прегрешений просящи очищение, присноблаженная.

(Дважды)

Слава и ныне, тойже тропарь:

Жизнь рождшую во чреве носила еси, Чистую Богоматерь, Богомудрая Анно. Темже к приятию Небесному, идеже веселящихся жилище, в славе радуешься, ныне преставилася еси, чтущим тя любовью прегрешений просящи очищение, присноблаженная.

КАФИЗМЫ:

Хор: Господи, помилуй *(Трижды)*

Слава Отцу и Сыну и Святому Духу.

Чтец: И ныне и присно и во веки веков. Аминь.

КАФИЗМА ТРИНАДЦАТАЯ

Псалом 91

Благо есть исповедатися Господеви, и пети имени Твоему, Вышний: возвещати заутра милость Твою и истину Твою на всяку ночь, в десятиструнном псалтыри с песнию в гуслах. Яко возвеселил мя еси, Господи, в творении Твоем, и в делах руку Твоею возрадуюся. Яко возвеличишася дела Твоя, Господи, zelo углубишася помышления Твоя. Муж безумен не познает, и неразумив не разумет сих. Внегда прозябоша грешницы яко трава, и проникоша вси делающие беззаконие: яко да потребятся в век века. Ты же Вышний во век, Господи. Яко се врази Твой, Господи, яко се врази Твой погибнут, и разыдутся вси делающие беззаконие. И вознесется яко единорога рог мой, и старость моя в елени мастите. И возре око мое на враги моя, и востающыя на мя лукавнующыя услышит ухо мое. Праведник яко финикс процветет, яко кедр, иже в Ливане, умножится. Насаждени в дому Господни, во дворех Бога нашего процветут, еще умножатся в старости мастите, и благоприемлюще будут. Да возвестят, яко прав Господь Бог наш, и несть неправды в Нем.

Псалом 92

Господь воцарися, в лепоту облечеса: облечеса Господь в силу и препоясася, ибо утверди вселенную, яже не подвижится. Готов престол Твой оттоле: от века Ты еси. Воздвигоша реки, Господи, воздвигоша реки гласы своя. Возмут реки сотрениа своя, от гласов вод многих. Дивны высоты морския, дивен в высоких Господь. Свидения Твоя уверишася zelo, дому Твоему подобает святыня, Господи, в долготу дней.

Псалом 93

Бог отмщений Господь, Бог отмщений не обинулся есть. Вознесися Судяй земли, воздаждь воздаяние гордым. Докóле грешницы, Гóсподи, докóле грешницы восхвалятся? Провещают и возглаголют неправду, возглаголют вси делающии беззаконие? Люди Твоя, Гóсподи, смириша и достояние Твое озлобиша. Вдовицу и сира умориша и пришельца убиша, и реша: не узрит Господь, ниже уразумет Бог Иаковль. Разумейте же безумнии в людех и буии некогда умудритесь. Насаждей ухо, не слышит ли? Или создавый око, не сматрѣет ли? Наказуяй языки, не обличит ли, учай человека разуму? Господь весть помышления человеческая, яко суть суетна. Блажен человек, егóже аще накажеш, Гóсподи, и от закона Твоего научиши его, укротити его от дней лютых, дóндеже изрыется грешному яма. Яко не отринет Господь людѣй Своих, и достояния Своего не оставит, дóндеже правда обратится на суд, и держащиися ея вси правии сердцем. Кто востанет ми на лукавнующыя? Или кто спредстанет ми на делающыя беззаконие? Аще не Господь помогл бы ми, вмале вселѣлася бы во ад душа моя. Аще глаголах, подвижеся нога моя, мѣлость Твоя, Гóсподи, помогаше ми. По множеству болезней моих в сердце моем, утешения Твоя возвеселиша душу мою. Да не пребудет Тебе престол беззакония, созидай труд на повеление. Уловят на душу праведнику, и кровь неповинную осудят. И бысть мне Господь в прибежище, и Бог мой в поможь упования моего. И воздаст им Господь беззаконие их и по лукавствию их погубит я Господь Бог (наш).

Чтец: Слава Отцу и Сыну и Святому Духу.

Хор: И ныне и присно и во веки веков. Аминь.

Аллилуиа, аллилуиа, аллилуиа, слава Тебе Боже. *(Трижды)*

Гóсподи, помилуй. *(Трижды)*

Слава Отцу и Сыну и Святому Духу.

Чтец: И ныне и присно и во веки веков. Аминь.

Псалом 94

Приидите, возрадуемся Господеви, воскликнем Богу Спасителю нашему: предварим лице Его во исповедании, и во псалмех воскликнем Ему. Яко Бог велий Господь, и Царь велий по всей земли, яко в руке Его вси концы земли, и высоты гор Того суть. Яко Того есть море, и Той сотвори е, и сушу рuce Его создасте. Приидите, поклонимся и припадём Ему, и восплачемся пред Господем сотворшим нас: яко Той есть Бог наш, и мы людие пажити Его, и овцы руки Его. Днес аще глас Его услышите, не ожесточите сердце ваших, яко в прогневании, по дни искушения в пустыни, воньже искусиша Мя отцы ваши, искусиша Мя, и видеша дела Моя. Четырдесят лет негодовах рода того, и рех, присно заблуждают сердцем, тии же не познаша путей Моих, яко кляхся во гневе Моём, аще внидут в покой Мой.

Псалом 95

Вспойте Господеви песнь нову, воспойте Господеви вся земля, воспойте Господеви, благословите имя Его, благовестите день от дне спасение Его. Возвестите во языцех славу Его, во всех людех чудеса Его. Яко Велий Господь и хвален зело, страшен есть над всеми боги. Яко вси бози язык бесове: Господь же небеса сотвори. Исповедание и красота пред Ним, святыня и великолепие во святеле Его. Принесите Господеви отечествия язык, принесите Господеви славу и честь. Принесите Господеви славу имени Его, возьмите жертвы, и входите во дворы Его. Поклонитесь Господеви во дворе святем Его, да подвижится от лица Его вся земля. Рцйте во языцех, яко Господь воцарися, ибо исправи вселенную, яже не подвижится: судит людем правостию. Да возвеселятся небеса, и радуется земля, да подвижится море и исполнение его. Возрадуются поля, и вся

яже на них: тогда возрадуются вся древа дубравная от лица Господня, яко грядёт, яко грядёт судити земли, судити вселенной в правду, и людем истиною Своёю.

Псалом 96

Господь воцарися, да радуется земля, да веселятся острова мнози. Облак и мрак окрест Его, правда и судьба исправление престола Его. Огонь пред Ним предъидет, и поалит окрест враги Его. Осветиша молния Его вселенную: виде, и подвижется земля. Горы яко воск растаяша от лица Господня, от лица Господа всея земли. Возвестиша небеса правду Его, и видеша вси людие славу Его. Да постыдятся вси кланяющиеся истуканным, хвляющиеся о идолах своих, поклонитесь Ему вси Ангели Его. Слыша и возвеселися Сион, и возрадовашася дщери Иудейския, судеб ради Твоих, Господи, яко Ты Господь Вышний над всею землею, зело превознеслся еси над всеми боги. Любящие Господа, ненавидите злая, хранит Господь души преподобных Своих, из руки грешници избавит я. Свет возсия праведнику, и правым сердцем веселие. Веселитесь, праведнии, о Господе и исповедайте память Святыни Его.

Чтец: Слава Отцу и Сыну и Святому Духу.

Хор: И ныне и присно и во веки веков. Аминь.

Аллилуиа, аллилуиа, аллилуиа, слава Тебе Боже. *(Трижды)*

Господи, помилуй. *(Трижды)*

Слава Отцу и Сыну и Святому Духу.

Чтец: И ныне и присно и во веки веков. Аминь.

Псалом 97

Воспойте Господеву песнь нову, яко дивна сотвори Господь. Спасе Его десница Его, и мьшца святая Его. Сказа Господь спасение Своё, пред языки откры правду Свою. Помяну милость Свою Иакову, и истину Свою дому Израилеву, видеша вси концы земли спасение Бога нашего. Воскликните Богу вся земля, воспойте, и радуйтесь, и пойте. Пойте Господеву в гуслах, в гуслах и гласе псаломсте. В трубах кованных и гласом труб рожаны вострубите пред Царем Господем. Да подвижится море и исполнение его, вселенная и вси живущии на ней. Реки воспещут рукою вкупе, горы возрадуются. От лица Господня, яко грядёт, яко идет судити земли, судити вселенной в правду, и людем правостию.

Псалом 98

Господь воцарися, да гневаются людие: седяи на Херувимех, да подвижится земля. Господь в Сионе велик, и высок есть над всеми людми. Да исповедятся имени Твоему великому, яко страшно и свято есть. И честь Царева суд любит: Ты уготовал еси правоты, суд и правду во Иакове Ты сотворил еси. Возносите Господа Бога нашего, и поклоняйтесь подножию ногу Его, яко свято есть. Моисей и Аарон во иереех Его, и Самуил в призывающих имя Его: призываху Господа, и Той послушаше их. В столпе облачне глаголаше к ним: яко храняху свидения Его и повеления Его, яже даде им. Господи Боже наш, Ты послушал еси их: Боже, ты милостив бывал еси им, и мщая на вся начинания их. Возносите Господа Бога нашего, и поклоняйтесь в горе святей Его, яко свят Господь Бог наш.

Псалом 99

Воскликните Богу вся земля, работайте Господеву в веселии, внидите пред Ним в радости. Уведите, яко Господь той есть Бог наш: Той сотвори нас, а не мы, мы же людие Его и овцы пажити Его. Внидите во врата Его во исповедании, во дворы Его в пениих: исповедайтесь Ему, хвалите имя Его. Яко благ Господь, в век милость Его, и даже до рода и рода истина Его.

Псалом 100

Милость и суд воспою Тебѣ, Господи. Пою и разумѣю в пути непорочно, когда прийдѣши ко мне? Прехождахъ в незлобии сердца моего посреде дому моего. Не предлагалъ пред очима моима вещь законопреступную: творящяя преступление возненавидѣх. Не прильпѣ мне сердце строптиво, уклоняющагося от мене лукаваго не познах. Оклеветавшаго тай искренняго своего, сего изгонях: гордым оком, и несытым сердцем, с сим не ядях. Очи мой на верныя земли, посаждати я со мною: ходяй по пути непорочно, сей ми служаше. Не живяше посреде дому моего творяй гордынню, глаголяй неправедная, не исправляше пред очима моима. Во утрия избивах вся грешныя земли, еже потребити от града Господня вся делающяя беззаконие.

Слава Отцу и Сыну и Святому Духу и ныне и присно и во веки веков. Аминь.

Аллилуиа, аллилуиа, аллилуиа, слава Тебѣ Боже. *(Трижды).*

ЕКТЕНИЯ МАЛАЯ

Диакон: Паки и паки, миром Господу помолимся.

Хор: Господи, помилуй.

Диакон: Заступи, спаси, помилуй и сохрани нас, Боже, Твоею благодатию.

Хор: Господи, помилуй.

Диакон: Пресвятую, пречистую, преблагословенную, славную Владычицу нашу Богородицу и Приснодеву Марию со всеми святыми помянувши, сами себе и друг друга, и весь живот наш Христу Богу предадим.

Хор: Тебѣ, Господи.

Иерей: Яко Твоя держава и Твое есть Царство, и сила, и слава, Отца, и Сына, и Святаго Духа, ныне и присно, и во веки веков.

Хор: Аминь.

Чтец:

По 1-м стихословии седален святой, глас 4:

Твое празднуем, праведная Анно, успение, славою бо неизреченною прослави тя Христос Бог, яко праматерь Свою. Темже, преставльшися, Того моли мир молитвами твоими подати нам, покрывающи от сопротивных души наша.

(Дважды)

Слава, и ныне, Богородичен:

Обновила еси, Чистая, Божественным Рождеством Твоим истлевшее во страстях земнородных мертвенное существо и воздвигла еси вся от смерти к животу нетления. Темже Тя по долгу блажим вси, Дево Препрославленная, якоже прорекла еси.

Хор: Господи, помилуй *(Трижды)*

Слава Отцу и Сыну и Святому Духу.

Чтец: И ныне и присно и во веки веков. Аминь.

КАФИЗМА ЧЕТЫРНАДЦАТАЯ

Псалом 101

Господи, услыши молитву мою, и вопль мой к Тебѣ да приидет. Не отврати лица Твоего от мене: вонже еще день скорблю, приклони ко мне ухо Твое: вонже еще день призову Тя, скоро услыши мя. Яко исчезоша яко дым дни мои, и кости моя яко сушило сохоса. Уязвен бых яко трава, и исше сердце мое, яко забых снести хлеб мой. От гласа въздыхания моего прильпѣ кость моя плоти моей. Уподобихся несыти пустынной, бых яко ночный вран на нырищи. Бдех и бых яко птица особящаяся на зде. Весь день поношаху ми врази мои, и хвалящи мя мною кленяхуся. Зане пепел яко хлеб ядях, и питие мое с плачем растворях. От лица гнева Твоего и ярости Твоея: яко вознес низвергл

мя еси́. Дни́е мой́ яко́ сень уклони́шася, и аз́ яко́ сѣно́ изсхо́х. Ты́ же, Го́споди, во векъ пребыва́еши, и па́мять Твоя́ в родъ и родъ. Ты́ воскрѣс уще́дриши Си́она, яко́ вре́мя уще́дрити егѡ́, яко́ прииде́ вре́мя. Яко́ благоволи́ша раби́ Твой́ ка́мене егѡ́, и персть егѡ́ уще́дрят. И убо́ятся язы́цы и́мене Го́сподня, и вси́ ца́рие зѣмсти́и сла́вы Твоея́. Яко́ сози́ждет Го́сподь Си́она, и яви́тся во сла́ве Сво́ей. Призре́ на моли́тву смире́нных, и не уничи́жи моле́ния их. Да напи́шется сие́ в родъ инъ, и лю́дие зи́ждемии восхва́лят Го́спода. Яко́ прини́че с высоты́ свята́я Сво́ей, Го́сподь с небесе́ на зѣмлю́ призре́, услы́шати воздыха́ние окованных, разреши́ти сы́ны умерщвлѣнных, возвести́ти в Си́оне и́мя Го́сподне, и хвалу́ Егѡ́ во Иерусали́ме. Внегда́ собрати́ся лю́дем вку́пе, и царѣм, е́же рабо́тати Го́сподеви. Отвѣща́ ему́ на пути́ крѣпости егѡ́: умале́ние дней мо́их возвести́ ми. Не возведи́ мене́ в преполовѣ́ние дней мо́их: в ро́де родѡв́ ле́та Твоя́. В нача́лах Ты́, Го́споди, зѣмлю́ основа́л еси́, и дела́ руку́ Твоею́ суть небеса́. Та поги́бнут, Ты́ же пребыва́еши: и вся́, яко́ ри́за обетша́ют, и яко́ оде́жду сви́еши я́ и изменя́тся. Ты́ же то́йжде еси́, и ле́та Твоя́ не оскуде́ют. Сы́нове рабъ Твои́х вселя́тся, и се́мя их во векъ испра́вится.

Псалом 102

Благослови́, душе́ моя́, Го́спода, и вся́ вну́тренняя моя́ и́мя свято́е Егѡ́. Благослови́, душе́ моя́, Го́спода, и не забыва́й всехъ воздая́ний Егѡ́, очища́ющаго вся́ беззакѡ́ния твоя́, исцеля́ющаго вся́ недуги́ твоя́, избавля́ющаго от истлѣ́ния живѡтъ твои́х, венча́ющаго тя́ ми́лостію и щедро́тами, исполня́ющаго во благо́их желані́е твоѡ́: обнови́тся яко́ орля́ ю́ность твоя́. Твори́й ми́лостыни Го́сподь, и судьбу́ всемъ оби́димым. Сказа́ пути́ Сво́я Моисе́ови, сыновѡмъ Изра́илевымъ хотѣ́ния Сво́я: щедръ и ми́лостив Го́сподь, долготерпели́в и многомилостив. Не до конца́ прогне́вается, ниже́ во векъ враждуетъ, не по беззакѡ́ниемъ на́шим сотвори́л есть́ намъ, ниже́ по грехѡмъ на́шим воздалъ есть́ намъ. Яко́ по высоте́ небесе́й от земли́, утверди́л есть́ Го́сподь ми́лость Сво́ю на боя́щихся Егѡ́. Ели́ко отстоя́т восто́цы от запа́да, удали́л есть́ от насъ беззакѡ́ния на́ша. Яко́же ще́дритъ оте́ц сы́ны, уще́дри Го́сподь боя́щихся Егѡ́. Яко́ Той́ позна́ создані́е на́ше, помяну́, яко́ персть есмь́. Чело́векъ, яко́ трава́ дни́е егѡ́, яко́ цветъ се́льный, та́ко оцветѣ́т, яко́ духъ про́йде в немъ, и не бу́дет, и не позна́ет ктому́ ме́ста своегѡ́. Ми́лость же Го́сподня от ве́ка и до ве́ка на боя́щихся Егѡ́, и пра́вда Егѡ́ на сынѣхъ сыно́в, храня́щихъ заветъ Егѡ́, и по́мнящихъ за́поведи Егѡ́ твори́ти я́. Го́сподь на небеси́ угото́ва престѡ́л Свои́, и Ца́рство Егѡ́ все́ми облада́ет. Благослови́те Го́спода вси́ А́нгели Егѡ́, си́льнии крѣпостию́, твори́щии сло́во Егѡ́, услы́шати гласъ словѣсъ Егѡ́. Благослови́те Го́спода вся́ си́лы Егѡ́, слуги́ Егѡ́, твори́щии во́лю Егѡ́. Благослови́те Го́спода вся́ дела́ Егѡ́, на вся́комъ ме́сте влады́чества Егѡ́, благослови́, душе́ моя́, Го́спода.

Чтец: Сла́ва Отцу́ и Сы́ну и Свято́му Ду́ху.

Хор: И ны́не и прі́сно и во ве́ки веко́в. Ами́нь.

Аллилу́иа, аллилу́иа, аллилу́иа, сла́ва Тебе́ Бо́же. *(Трижды)*

Го́споди, поми́луй. *(Трижды)*

Сла́ва Отцу́ и Сы́ну и Свято́му Ду́ху.

Чтец: И ны́не и прі́сно и во ве́ки веко́в. Ами́нь.

Псалом 103

Благослови́, душе́ моя́, Го́спода. Го́споди, Бо́же мой, возвели́чился еси́ зело́. Во испове́дание и в велеле́поту облѣклся еси́. Оде́йся́ све́том, яко́ ри́зою, простира́яй не́бо, яко́ ко́жу. Покрыва́яй вода́ми превы́спренняя́ Сво́я, полага́яй о́блаки на восхожде́ние Своѡ́, ходя́й на крилу́ вѣтреню́. Твори́й А́нгелы Сво́я ду́хи и слуги́ Сво́я пла́мень огненны́й. Основа́яй зѣмлю́ на твѣрди́ ея́, не преклони́тся в векъ ве́ка. Бе́здна, яко́ ри́за, оде́яние ея́, на гора́хъ ста́нут воды́, от запре́щѣния Твоегѡ́ побѣ́гут, от гласа́ гро́ма Твоегѡ́ убо́ятся.

Восхóдят гóры и нисхóдят поля в мéсто, е́же основáл есѝ им. Предéл положѝл есѝ, егóже не прѝйдут, ниже́ обратѝтся покрьѝти зéмлю. Посылáяй истóчники в дѝбрых, посреде́ гор прѝйдут вóды. Напáяют вся звѝри сѝльные, ждут она́гри в жáжду свою́. На тѝх птѝцы небѝсныя привитáют, от средѝ кáменя дадѝт глас. Напáяяй гóры от превѝспренних Своѝх, от плодá дел Твоѝх насы́тится землѝя. Прозябáяй траву́ скотóм, и злак на слúжбу челове́ком, известѝ хлеб от землѝ. И вино́ веселѝт сѝрдце челове́ка, умáстити лицé е́леем, и хлеб сѝрдце челове́ка укрепѝт. Насы́тятся дрéвá польскáя, кѝдри Ливáнстии, ѝхже есѝ насадѝл. Тáмо птѝцы вогнездѝтся, еродѝево жили́ще предводѝтельствуе́т ѝми. Гóры высóкия е́ленем, кáмень прибѝжище зáяцем. Сотворѝл есть луну́ во временá, солнце́ познá зáпад свой. Положѝл есѝ тму, и бысть но́щь, в не́йже прѝйдут вси звѝрие дубрáвнии. Скѝмни рыкáющи, восхѝтити и взыскáти от Бóга пѝщу себѝ. Возси́я солнце́ и собрáшася и в лóжах своѝх ля́гут. Изы́дет челове́к на дéло своé и на дéлание своé до вѝчера. Я́ко возвели́чишася делá Твоѝя, Гóсподи, вся премúдростию сотворѝл есѝ, испóлнися землѝя твáри Твоеѝ. Сиé мóре вели́кое и прострáнное, тáмо гáди, ѝмже несть числá, живóтная мáлая с вели́кими, тáмо кораблѝ преплáвают, змий сей, егóже создáл еси́ ругáтися е́му. Вся к Тебѝ чáют, дáти пѝщу им во блáго врéмя. Дáвшу Тебѝ им соберу́т, отвѝрзшу Тебѝ рúку всѝческая испóлнятся блáгости, отврáщшу же Тебѝ лицé, возьмáтүтся, отѝймеша дух их, и исчéзнут, и в персть свою́ возвратѝтся. Пóслеши Дúха Твоегó, и созѝждутся, и обновѝши лицé землѝ. Бúди слáва Госпóдня во вѝки, возвеселѝтся Госпóдь о дѝлех Своѝх, призира́яй на зéмлю, и творѝй ю́ трястѝся, прикасáяйся горáм, и дымáтся. Воспою́ Гóсподеви в животé моéм, пою́ Бóгу моему́, дóндеже есмь, да усладѝтся Е́му бесѝда моя́, аз же возвеселю́ся о Гóсподе. Да исчéзнут грѝшницы от землѝ, и беззакóнницы, я́коже не бѝти им. Благословѝ, душé моя́, Гóспода.

Чтец: **Слáва Отцú и Сýну и Святóму Дúху.**

Хор: **И ны́не и прѝсно и во вѝки векóв. Амѝнь.**

Аллилу́иа, аллилу́иа, аллилу́иа, слáва Тебѝ Бóже. *(Трижды)*

Гóсподи, помѝлуй. *(Трижды)*

Слáва Отцú и Сýну и Святóму Дúху.

Чтец: **И ны́не и прѝсно и во вѝки векóв. Амѝнь.**

Псалóм 104

Исповѝдайтеся Гóсподеви, и призывáйте ѝмя Егó, возвестѝте во язѝцех делá Егó. Воспо́йте Е́му и по́йте Е́му, повѝдите вся чудесá Егó. Хвалѝтесь о ѝмени святém Егó, да возвеселѝтся сѝрдце ѝщущих Гóспода. Взыщѝте Гóспода, и утвердѝтесь, взыщѝте лицá Егó вѝну. Помянѝте чудесá Егó, я́же сотворѝ, чудесá Егó, и судьбѝ уст Егó. Сѝмя Аврáамле рабѝ Егó, сýнове Иáковли избрáннии Егó. Той Госпóдь Бог наш, по всей землѝ судьбѝ Егó. Помяну́ в век завет Свой, слóво, е́же заповѝда в тѝсящы́х родóв, е́же завещá Аврáаму, и клѝтву Свою́ Исаáку. И поста́ви ю́ Иáкову в повелѝние, и Изрáилю в завет вѝчен, глагóля: тебѝ дам зéмлю Ханаáню, úже достóяния вáшего, внегда́ бѝти им мáлым числóм, малѝйшим и пришѝльцем в ней. И преидóша от язѝка в язѝк, и от цáрствия в лúди ѝны. Не оста́ви челове́ка обѝдети их, и обличѝ о них царѝ. Не прикасáйтесь помáзанным моѝм, и во прорóцех моѝх не лука́вните. И призвá глад на зéмлю, всѝко утвержѝние хлѝбное сотрѝ. Послá пред нѝми челове́ка: в рабá прóдан бысть Иóсиф. Смирѝша во окóвах нóзе егó, желéзо прѝйде душá егó, дóндеже приѝде слóво Егó, слóво Госпóдне разжжé егó. Послá царь и разреши́ егó: князь людѝй, и оста́ви егó. Поста́ви егó господѝна дóму своему́, и князя́ все́му стяжáнию своему́, наказáти князи егó я́ко себѝ, и стáрцы егó умудрѝти. И вни́де Изрáиль во Егѝпет, и Иáков пришѝльствова в зéмлю Хáмову. И возрастѝ лúди своя́ зелó, и укрепѝ я́ пáче врагóв их. Превратѝ сѝрдце их возненавѝдети лúди Егó, лeсть сотворѝти в рабѝх Егó. Послá Моисѝа рабá Своегó, Аарóна, егóже избрá Себѝ. Положи́ в них словесá знáмений Своѝх, и чудес́ Своѝх в землѝ Хáмове. Послá тму и помрачѝ, я́ко

преогорчиша словеса Его. Преложит воды их в кровь, и изморит рыбы их. Воскипела земля их жабами в сокровищницах царей их. Рече, и приидоша песия мухи, и скныпы во вся пределы их. Положит дожди их грады, огонь пополающ в земли их, и поразит винограды их и смоквы их, и сотрит всякое древо предел их. Рече, и приидоша пружи и гусеницы, и мже не бе числа. И сведоша всяку траву в земли их, и поядоша всяк плод земли их. И поразит всякаго первенца в земли их, начаток всякаго труда их, и изведе я с серебром и золотом, и не бе в коленах их болей. Возвеселися Египет во исхождении их, яко нападеш страх их на ня. Распрострел облак в покров им и огонь, еже просветити им нощию. Просиша и приидоша крастели, и хлеба небеснаго насытити я, разверзе камень и потекоша воды, потекоша в безводных реки, яко помяну слово святое Свое, еже ко Аврааму, рабу Своему. И изведе люди Своя в радости, и избранныя Своя в веселии. И даде им страны язык, и труды людей наследоваша, яко да сохранят оправдания Его и закона Его възвщут.

Слава Отцу и Сыну и Святому Духу и ныне и присно и во веки веков. Аминь.

Аллилуиа, аллилуиа, аллилуиа, слава Тебе Боже. *(Трижды)*.

ЕКТЕНИЯ МАЛАЯ

Диакон: Паки и паки, миром Господу помолимся.

Хор: Господи, помилуй.

Диакон: Заступи, спаси, помилуй и сохрани нас, Боже, Твоею благодатию.

Хор: Господи, помилуй.

Диакон: Пресвятую, пречистую, преблагословенную, славную Владычицу нашу Богородицу и Приснодеву Марию со всеми святыми помянувши, сами себе и друг друга, и весь живот наш Христу Богу предадим.

Хор: Тебе, Господи.

Иерей: Яко благ и человеколюбец Бог еси, и Тебе славу возсылаем, Отцу, и Сыну, и Святому Духу, ныне и присно, и во веки веков.

Хор: Аминь.

Чтец:

По 2-м стихословию седален святой, глас 4:

В руке нас ради от Девы вочеловечшагося предавши душу, ибо Зиждитель твой и Бог к нетленной жизни престави тя. Темже ныне честно ублажаем тя, яко единой Честней и непорочней воистинну Богородице сущую мать, и согласно зываем: Зиждителя Твоего и Бога, Христа Спаса нашего, моли спастися душам нашим.

(Дважды)

Слава, и ныне, Богородичен:

Удивися Иосиф, еже паче естества зря и внимаше мыслию, иже на руну дождь, в безсеменном зачатии Твоем, Богородице, купину, огнем неопалимую, жезл Ааронов прозябший, и, свидетельствуя, обручник Твой и хранитель священником зываше: Дева раждает и по рождестве паки Девкою пребывает.

Чтец: Господи, помилуй *(Трижды)*

Слава Отцу и Сыну и Святому Духу, и ныне и присно и во веки веков. Аминь.

Чтец:

Псалом 50:

Помилуй мя, Боже, по велицей милости Твоей, и по множеству щедрот Твоих очисти беззаконие мое. Наипаче омий мя от беззакония моего, и от греха моего очисти мя. Яко беззаконие мое аз знаю и грех мой предо мною есть вина. Тебе Единому согреших, и лукавое пред Тобою сотворих, яко да оправдишися во словесах Твоих и победиши, внегда судити Ти. Се бо в беззакониих зачат есмь, и во гресех роди мя мати моя. Се бо истину

возлюбил еси, безвестная и тайная премудрости Твоея явил ми еси. Окропиши мя иссопом, и очышуся, омыеши мя, и паче снега убелюся. Слуху моему даши радость и веселие, возрадуются кости смиренныя. Отврати лице Твое от грех моих, и вся беззакония моя очисти. Сердце чисто созижди во мне, Боже, и дух прав обнови во утробе моей. Не отвержи мене от лица Твоего, и Духа Твоего Святого не отыми от мене. Воздаждь ми радость спасения Твоего, и Духом Владычним утверди мя. Научу беззаконныя путем Твоим, и нечестивии к Тебе обратятся. Избави мя от кровей, Боже, Боже спасения моего, возрадуется язык мой правде Твоей. Господи, устне мои отверзеши, и уста моя возвестят хвалу Твою. Яко аще бы восхотел еси жертвы, дал бых убо, всесожжения не благоволиши. Жертва Богу дух сокрушен, сердце сокрушенно и смиренно Бог не унижит. Ублажи, Господи, благоволением Твоим Сиона, и да созиждутся стены Иерусалимския, тогда благоволиши жертву правды, возношение и всесожегаемая: тогда возложат на олтарь Твой тельцы.

КАНОН:

В храме Господском, Богородицы и Святого:

«На 6»:

Песнь 1

Ирмос, глас 7:

Манием Твоим на земный образ преложися, прежде удобообразливаемое водное естество Господи: темже немокренно пешествовав Израиль, поет Тебе песнь победную.

Припев 1: **Святїи Апостоли, молите Бога о нас.**

Манием к Божественному боговидни бывше, боги сокрушите безбожных, и к Божественней всех воздвигоште любви, веровавших Богу, всечестнии.

Припев 2: **Святїи Апостоли, молите Бога о нас.**

Соль якоже бывше всея земли, богоглаголивии Господни апостоли, сознание все уставите сердца моего, и обуявшее люте исцелите.

Припев 3: **Святителю отче Николае, моли Бога о нас.**

Прославлено на земли прешед житие, тебе славящая, Николае, причастники тамо сущия славы сотвори.

Припев 4: **Святая праведная мати Анно, моли Бога о нас.**

Согрешений прощение, и злых избавление, и житий исправление ныне ми испроси, твою светносную память почитающему днесь, Анно всехвальная.

Слава Отцу и Сыну и Святому Духу и ныне и присно и во веки веков. Аминь.

Катавасия, глас 4:

Отверзу уста моя, и наполнятся Духа, и слово отрыгну Царице Матери, и явлюся светло торжествуя, и воспую радуясь Той чудеса.

Песнь 3

Ирмос, глас 7:

В начале Небес, всеильным словом Твоим утвердй Господи Спасе, и вседетельным и Божиим Духом, всю силу их: на недвижимем мя камени исповедания Твоего утверди.

Припев 1: **Святїи Апостоли, молите Бога о нас.**

Яко небеса славу Божию, якоже рече пророк, поведуете Божественнии ученицы, уясняюще Его Божественное воплощение, и страдания яве мудрии: имже страстей и смерти всех, и тли избавите.

Припев 2: **Святїи Апостоли, молите Бога о нас.**

Стрѣлы Христа сильнаго изъощрѣны явѣются, от стрѣл мя лукаваго, мудрии ученицы Господни, избавите: и уязвленное люте греховным оружием мое сердце исцелите.

Припев 3: **Святителю отче Николае, моли Бога о нас.**

О вселенней принося мольбы, от всякия нужды и скорбей безчисленных спаси нас, святе Николае.

Припев 4: **Святая праведная мати Анна, моли Бога о нас.**

Заченшую Содержащаго вся зачала еси и родила еси паче слова Христа рождшую, темже твоё успение, Анна, почитаем.

Слава Отцу и Сыну и Святому Духу и ныне и присно и во веки веков. Аминь.

Катавасия, глас 4:

Твоя песнопловцы, Богородице, живый и независтный Источник, лик себе совокупльшыя духовно утверди в Божественной Твоей славе, венцев славы сподоби.

ЕКТЕНИЯ МАЛАЯ.

Диакон: Паки и паки, миром Господу помолимся.

Хор: Господи, помилуй.

Диакон: Заступи, спаси, помилуй и сохрани нас, Боже, Твоею благодатию.

Хор: Господи, помилуй.

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе и друг друга, и весь живот наш Христу Богу предадим.

Хор: Тебе, Господи.

Иерей: Яко Ты еси Бог наш, и Тебе славу воссылаем, Отцу и Сыну и Святому Духу, ныне и присно и во веки веков.

Хор: Аминь.

Чтец:

Седален, святой, глас 8:

Матере Владыки и Творца матери была еси, Анна всехваляная, Того повеления присно хранящи, сего ради, умерши, к жизни безсмертней преставилася еси воистинну и к Свету невечернему. Темже светоносную и святую твою память совершаем, духом просвещаемы всегда, и согласно вопиём ти: моли Христа Бога грехов оставление даровати чтущим любовь святую память твою.

(Дважды)

Слава и ныне, тойже седален:

Матере Владыки и Творца матери была еси, Анна всехваляная, Того повеления присно хранящи, сего ради, умерши, к жизни безсмертней преставилася еси воистинну и к Свету невечернему. Темже светоносную и святую твою память совершаем, духом просвещаемы всегда, и согласно вопиём ти: моли Христа Бога грехов оставление даровати чтущим любовь святую память твою.

Песнь 4

Ирмос, глас 7:

Отча недра не оставль, и сошед на землю Христе Боже, тайну услышах смотрения Твоего, и прославих Тя Единое Человеколюбче.

Припев 1: **Святии Апостоли, молитесь Бога о нас.**

Иже Отцу сопредельный Сын, на земли воплощся яко человек, избрав вас ученики, Его Божество проповедати всем языком.

Припев 2: **Святии Апостоли, молитесь Бога о нас.**

К созидателем всех страстей впядся умовредно окаянный аз, сердцем уязвихся. Темже молюся, исцелите мя врачеве болящих, апостоли.

Припев 3: Святителю отче Николае, моли Бога о нас.

Премудростию твоєю очернив Ариев ум ересию помраченный, и от того прельщаемыя, Николае, просветил еси.

Припев 4: Святая праведная матери Анно, моли Бога о нас.

Яже в законе писаная, поучающися, совершила еси и Законодавца Матере матери была еси, темже тебе вся тварь по долгу ныне сотворяет твою радостно память.

Слава Отцу и Сыну и Святому Духу и ныне и присно и во веки веков. Аминь.

Катавасия, глас 4:

Седая в славе на Престоле Божества, во облаце легце прииде Иисус Пребожественный, нетленною дланию, и спасе зовущыя: слава, Христе, силе Твоей.

Песнь 5

Ирмос, глас 7:

Господи Боже мой, от ночи утреневав, Тебе молюся: подаждь ми оставление прегрешений моих: и к свету Твоих повелений пути моя направи, молюся.

Припев 1: Святии Апостоли, молитесь Бога о нас.

Господи Боже мой, апостолом Твоим мир древле даровавый, тех молитвами мир даруй всем, и прегрешений прощение.

Припев 2: Святии Апостоли, молитесь Бога о нас.

Господи Боже мой, сведый согрешения души моея, и неисправленный нрав сердца моего, ту не мя ущедрив спаси, апостол мольбами.

Припев 3: Святителю отче Николае, моли Бога о нас.

Советы Отче, подвизаемыя присно на ны, ненаказанных человек Твоими молитвами, Николае, бездельны сотвори.

Припев 4: Святая праведная матери Анно, моли Бога о нас.

Небо родила еси на земли воистинну, рождшую Небесе Творца, днесь ты представляюща к Небесным со славою, Анно преславная.

Слава Отцу и Сыну и Святому Духу и ныне и присно и во веки веков. Аминь.

Катавасия, глас 4:

Ужасошася всяческая о Божественной славе Твоей: Ты бо, неискусобрачная Дево, имела еси во утробе над всеми Бога, и родила еси безлетного Сына, всем воспевающим Тя мир подавающая.

Песнь 6

Ирмос, глас 7:

Плавающего в молве житейских попечений, с кораблем потопляема грехи, и душетленному зверю приметается, яко Иона Христе вопию Ти: из смертоносныя глубины возведи мя.

Припев 1: Святии Апостоли, молитесь Бога о нас.

Самыя мудрости Божественнии ученицы бывше, еллинскую обуиша премудрость, и мудреца злобы погубиша: и в неведении блудящия, светом благочестия премудри просветиша.

Припев 2: Святии Апостоли, молитесь Бога о нас.

Иже Петрово древле слезами прегрешение очисти, того молитвами души моея неисчетная согрешения очисти, безмерного ради Твоего благоутробия и премногия, Христе, благостыни.

Припев 3: Святителю отче Николае, моли Бога о нас.

Разорил еси смерти неправедный суд, и спасл еси милостию твоею, отче Николае, хотящия умерети, яко теплый помощник призывающим тя.

Припев 4: Святая праведная мати Анна, моли Бога о нас.

Господа Иисуса Бога праротцы, Иоаким же и Анна, правдою украшени, по достоянию в песнях да восхваляются днесь.

Слава Отцу и Сыну и Святому Духу и ныне и присно и во веки веков. Аминь.

Катавасия, глас 4:

Божественное сие и всечестное совершающе празднество, богомудрии Богоматере, приидите руками восплещим, от Нея рождашася Бога славим.

ЕКТЕНИЯ МАЛАЯ.

Диакон: Паки и паки, миром Господу помолимся.

Хор: Господи, помилуй.

Диакон: Заступи, спаси, помилуй и сохрани нас, Боже, Твоею благодатию.

Хор: Господи, помилуй.

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе и друг друга, и весь живот наш Христу Богу предадим.

Хор: Тебе, Господи.

Иерей: Ты бо еси Царь мира и Спас душ наших, и Тебе славу воссылаем, Отцу и Сыну и Святому Духу, ныне и присно и во веки веков.

Хор: Аминь.

Чтец:

Кондак святой, глас 2:

Прародителей Христовых память празднуем, тех верно просяще помощи избавитися всем от всякия скорби, зовущим: Бог наш с нами, сих прославлей, якоже благоволи.

Икос:

Пророчески снидемся вси достойно пети праматере Христовы блаженное преставление: днесь бо от временныя преставится жизни, на Небесех с радостию шествие творящи, радуется, яко сущи мати истинныя сущия Богородицы, и взывает верно: величит душа моя Господа, яко родих Сего Матерь на земли, Иже Сию прославлей, якоже благоволи.

Песнь 7

Ирмос, глас 7:

Пещь отроцы огнепальну древле росоточашу показаша, Единого Бога воспевающе, и глаголюще: превозносимый отец Бог и препрославлен.

Припев 1: Святии Апостоли, молитесь Бога о нас.

Пещь древле горькаго безбожия, росю Божественнаго проповедания угасисте, славнии апостоли, зовуще: превозносимый отец Бог и препрославлен.

Припев 2: Святии Апостоли, молитесь Бога о нас.

Лютаго мя, Христэ, греха, и во аде мучения, и в геенне болезней исхити: и спаси мя, молюся, мольбами, Слове, апостол Твоих.

Припев 3: Святителю отче Николае, моли Бога о нас.

Красота церковная быв, мудре Николае, всякия мя некрасоты страстей безчестных избави, Благодателя всего мира моля, святителю, присно.

Припев 4: Свята́я пра́ведная ма́ти А́нно, моли́ Бо́га о нас.

Яко́ жи́зни и́стинныя, А́нно, Ма́терь ро́ждши, к жи́зни и́стинней преста́вилася еси́ ко све́ту, вызы́ающи: препе́тый Го́споди, Бо́же оте́ц на́ших, благослове́н еси́.

Сла́ва Отцу́ и Сы́ну и Свято́му Ду́ху и ны́не и при́сно и во ве́ки веко́в. Ами́нь.

Катава́сия, глас 4:

Не послужи́ша тва́ри богому́дрии па́че Созда́вшего, но о́гненное преще́ние му́жески попра́вше, ра́довахуся пою́ще: препе́тый отце́в Го́сподь и Бо́г благослове́н еси́.

Песнь 8

Ирмо́с, глас 7:

Неопа́льная огню́ в Сина́и прича́щшаяся купина́ Бо́га яви́ медленоязы́чному и гугни́вому Моисе́ови, и о́троки ре́вность Бо́жия три́ непребори́мая во огни́ певцы́ показа́: вся дела́ Го́сподня Го́спода по́йте, и превозно́сите во вся ве́ки.

Припев 1: Святы́и Апосто́ли, моли́те Бо́га о нас.

У́глие огне́м разу́мным разже́гшеся, яко́же тростие́ всю́ идо́льскую ле́сть попалы́ша, Христо́вы учени́цы, и просвети́ша ве́рных ду́ши, вызы́ающия: вся дела́ Го́сподня Го́спода по́йте, и превозно́сите во вся ве́ки.

Припев 2: Святы́и Апосто́ли, моли́те Бо́га о нас.

Омраче́нную ду́шу мою́ грехо́м, и омраче́нное страстьми́ безче́стия ны́не просвети́те се́рдце мое́, Све́ту Присносу́щному прича́стницы Христо́вы апосто́ли, яко́ да непреста́нно зову́: вся дела́ Го́сподня Го́спода по́йте, и превозно́сите во вся ве́ки.

Припев 3: Святы́телю о́тче Никóлае, моли́ Бо́га о нас.

В Ми́рех мироуха́нное те́ло твоё, всесвя́те Никóлае, лежа́щее, ми́ро притека́ющим источа́ет, и уста́вляет недуги́ челове́ком.

Припев 4: Свята́я пра́ведная ма́ти А́нно, моли́ Бо́га о нас.

Ма́ти еди́ныя Богоро́дицы, я́же непло́ды пре́жде, ны́не же прамати́ Христо́ва, яко́же непло́дства, си́це и ме́ртвости, совле́кши оде́жду, во стране́ живу́щих вопи́ет: Го́спода по́йте, дела́, и превозно́сите Его́ во вся ве́ки.

Благослови́м Отца́, и Сы́на, и Свята́го Ду́ха, Го́спода и ны́не и при́сно и во ве́ки веко́в. Ами́нь.

Хор: Хва́лим, благослови́м, покланя́емся Го́сподеви, пою́ще и превозно́сяще во вся ве́ки.

Катава́сия, глас 4:

О́троки благоче́стивыя в пещи́, Рожде́ство Богоро́дичо спасло́ е́сть: тогда́ у́бо образу́емое, ны́не же де́йствуемое, вселе́нную всю́ воздвиза́ет пе́ти Тебе́: Го́спода по́йте дела́, и превозно́сите Его́ во вся ве́ки.

Диакон: Богоро́дицу и Ма́терь Све́та в пе́снях возвели́чим.

Хор: Вели́чит ду́ша Моя́ Го́спода, и возра́довася дух Мой о́ Бо́же Спа́се Моём.

Честне́йшую Херуви́м и Сла́внейшую без сравне́ния Серафи́м, без ислéния Бо́га Сло́ва ро́ждшую, су́щую Богоро́дицу, Тя велича́ем.

Яко́ призре́ на смире́ние рабы́ Своея́, се бо от ны́не ублажа́т Мя вси ро́ди.

Честне́йшую Херуви́м и Сла́внейшую без сравне́ния Серафи́м, без ислéния Бо́га Сло́ва ро́ждшую, су́щую Богоро́дицу, Тя велича́ем.

Яко́ сотвори́ Мне вели́чие Си́льный, и свя́то И́мя Его́, и ми́лость Его́ в ро́ды родо́в бо́ящимся Его́.

Честне́йшую Херуви́м и Сла́внейшую без сравне́ния Серафи́м, без ислéния Бо́га Сло́ва ро́ждшую, су́щую Богоро́дицу, Тя велича́ем.

Сотвори́ держа́ву мѣщцею Своѣю, расточи́ гóрдья мѣслию сѣрдца их.

Честнѣйшую Херувѣм и Слáвнейшую без сравнѣния Серафѣм, без ислѣния Бóга Слóва рóждшую, сущую Богорóдицу, Тя велича́ем.

Низложи́ сѣльныя со престóл, и вознесѣ смиренныя; áлчущия испóлни благ, и богатя́щися отпусти́ тщи.

Честнѣйшую Херувѣм и Слáвнейшую без сравнѣния Серафѣм, без ислѣния Бóга Слóва рóждшую, сущую Богорóдицу, Тя велича́ем.

Восприѣт Израѣиля óтрока Своего́, помяну́ти мѣлости, я́коже глаго́ла ко отцѣм нашим, Авраáму и сѣмени его́, да́же до вѣка.

Честнѣйшую Херувѣм и Слáвнейшую без сравнѣния Серафѣм, без ислѣния Бóга Слóва рóждшую, сущую Богорóдицу, Тя велича́ем.

Песнь 9

Ирмо́с, глас 7:

Нетлѣния искуше́нием рóждшая, и Всехитрецу́ Слóву плóть взаимодейáвшая, Мáти Неискусому́жная Дѣво Богорóдице: приятелище Нестерпи́мага, селó Невместѣмага Зиждѣтеля Твоего́, Тя велича́ем.

Припев 1: **Святѣи Апóстоли, моли́те Бóга о нас.**

Сы́ны свѣта и днѣ вас явилъ ёсть, Бóга Отца́ Слóво: Сего́ возлюбѣвше Божѣственни апóстоли светѣла вселѣнныя, бесóв потребѣтелие, наста́вницы заблуждших, Цѣркве твёрдая основáния явѣстеся.

Припев 2: **Святѣи Апóстоли, моли́те Бóга о нас.**

Рáла Словесѣ, ѣже на вѣях легча́йшее Сего́ ѣго носѣвшии, обновѣте ны́не оляденѣвшую страстьми́ дущу мою́, и пока́яния сѣменем плодонóсну сию́ соделáйте.

Припев 3: **Святѣтелю óтче Никóлае, моли́ Бóга о нас.**

Послѣдовав нра́вом свяще́нных апóстол, и сѣдалища тѣх наслѣдовал еси́, я́ко святѣтель чѣстен, достослáвный Никóлае.

Припев 4: **Святáя праведная мáти Áнно, моли́ Бóга о нас.**

От земли́ чрѣва твоего́ воистинну роди́ся земля́ святáя, недѣланен клас прозя́бши безсѣменно, мѣрови Питáтеля и Гóспода, тебѣ к пи́щи неизживáемой, Áнно, премудро прѣстáвльшаго.

Слáва Отцу́ и Сы́ну и Святóму Духу и ны́не и прѣсно и во вѣки веко́в. Амѣнь.

Катав́asia, глас 4:

Вся́к земнорóдный да възигра́ется Духом просвещáемь, да торжествует же безплóтных умóв естество́, почитающее свяще́нное торжество́ Богомáтере, и да вопиѣт: ра́дуйся, всеблаже́нная Богорóдице, Чѣстая Приснодѣво.

ЕКТЕНИ́Я МА́ЛАЯ.

Диáкон: Па́ки и па́ки мѣром Гóсподу помóлимся.

Хор: Гóсподи, помѣлуй.

Диáкон: Заступѣ, спасѣ, помѣлуй и сохрани́ нас, Бóже, Твоею́ благодáтию.

Хор: Гóсподи, помѣлуй.

Диáкон: Пресвятую́, Пречѣстую, Прѣблагословѣнную, Слáвную Владѣчицу́ нашу Богорóдицу и Приснодѣву Мари́ю, со все́ми святѣими помяну́вше, са́ми себѣ и друг друга́, и весь живóт наш Христу́ Бóгу преда́дим.

Хор: Тебѣ, Гóсподи.

Иерѣй: Я́ко Ты хва́лят вся сѣлы небѣсныя, и Тебѣ сла́ву воссыла́ем, Отцу́ и Сы́ну и Святóму Духу, ны́не и прѣсно и во вѣки веко́в.

Хор: Амѣнь.

СВЕТІЛЬНЫ ПО КАНОНУ: ²

Ексапостилáрии октóбиха:

Во всю подсолнечную тѣкше, проповѣдасте Христово от Дѣвы святое воплощение войстинну, от прѣлести обращающе язѣки, и просвещáюще, и вся научáюще, Трѣицу почитáти Святúю, Апóстоли Спáсовы.

Велѣкаго началопáстыря и иерáрха вси, председáтеля Мирликѣйскаго Николáя хвáлим: мно́ги бо мужѣ спасе́, непра́ведно умре́ти имúщия, царю́ явля́ется со Авлáвием во сне, решá непра́ведное изрече́ние.

Слава, светілен святой:

Достодóбно воспоём Богозвáнную Áнну: Богорóдицу бо та Дѣву Марію рóждши пáче наде́жды, срóдница по плóти Христá, Избáвителя нáшего, явѣся, сию́ боголѣпно приѣмшаго днесь в Вѣшних, о нас моля́щуюся и о умирѣнии мѣра.

И ны́не, ин светілен:

Не́бо рóждши, Áнно, но́вое, Марію, Ё́юже возсия́ сла́вы Со́лнце, днесь от земли́ к Небѣсным прехóдиши, Христу́ срáдующися, преслáвная.

СТИХІРЫ НА ХВАЛІТЕХ, ГЛАС 1:

Канонáрх: Глас пѣрвый, Всякое дыхáние да хвáлит Гóспода.

Хор: Всякое дыхáние да хвáлит Гóспода. Хвалíte Гóспода с небѣс, хвалíte Егó в вѣшних. Тебѣ подобáет песнь Бóгу.

Хвалíte Егó вси Áнгели Егó, хвалíte Егó вся сѣлы Егó. Тебѣ подобáет песнь Бóгу.

Стихѣры святой, глас 1:

На 4. Стих: **Хвалíte Егó на сѣлах Егó, хвалíte Егó по мно́жеству велѣчества Егó.**

Пáмь совершáюще честнúю, Тебѣ воспѣáем, Христѣ, преслáвно Áнну от жѣзни приврѣменныя к непреста́ющей слáве престáвльшаго ны́не, я́ко мáтерь сущую без се́мене рóждшия Тя пáче естества́ Богорóдицы и Приснодѣвы Мáтере.

Стих: **Хвалíte Егó во глáсе тру́бнем, хвалíte Егó во псалтѣри и гúслех.**

Та же стихѣра.

На 2. Стих: **Хвалíte Егó в тимпáне и ли́це, хвалíte Егó востру́нах и оргáне.**

Пáмь святúю совершáюще пра́отец Христовых Иоакѣма и Áнны, честных и непорóчных, прославля́ем непрестáнно Избáвителя и Щѣдраго Гóспода, сих престáвльшаго к жѣзни нестарѣемей и нетлѣнней.

Стих: **Хвалíte Егó в кимвáлех доброгласных, хвалíte Егó в кимвáлех восклицáния. Всякое дыхáние да хвáлит Гóспода.**

К невещѣственным ликóм и пра́ведных селѣнием, идѣже áнгельстии чѣни, идѣже святѣх собóр, рáдость прáзднующих совершáется, и ны́не дúхи пра́ведных Иоакѣма и Áнны вселѣй, ѣхже благочѣстно восхваля́юще, ублажѣм.

Слáва и ны́не, стихѣра святой, глас 2:

Приидѣте, любодѣвственнии вси и чистотѣ рачѣтелие, приидѣте, прáзднуем Áннино честное успѣние: ѣбо та породѣ пáче естества́ истóчника жѣзни, Марію Богоотроковѣцу, из Нея́же родѣся Избáвитель, просвещáяй и освящáяй дúши нáша.

Иерѣй: Слáва Тебѣ, показáвшему нам свет.

² Или: светілен святой (дважды). «Слáва, и ны́не» – ин светілен.

СЛАВОСЛОВІЕ ВЕЛІКОЕ:

Хор: Слава в вышних Богу, и на земли мир, в человецех благоволение. Хвалим Тя, благословим Тя, кланяем Ти ся, славословим Тя, благодарим Тя, великия ради славы Твоея. Господи Царю Небесный, Боже Отче Вседержителю, Господи, Сыне Единородный, Иисусе Христе, и Святой Душе. Господи Боже, Агнче Божий, Сыне Отче, вземляй грех мира, помилуй нас; вземляй грехи мира, прими молитву нашу; седая одесную Отца, помилуй нас. Яко Ты еси един Свят, Ты еси един Господь, Иисус Христос, в славу Бога Отца. Аминь.

На всяк день благословлю Тя, и восхваляю Имя Твое во веки, и в век века.

Сподоби, Господи, в день сей без греха сохранитися нам. Благословен еси, Господи, Боже отец наших, и хвально и прославлено Имя Твое во веки. Аминь.

Буди, Господи, милость Твоя на нас, якоже уповахом на Тя.

Благословен еси, Господи, научи мя оправданием Твоим. (Трижды)

Господи, прибежище был еси нам в род и род. Аз рех: Господи, помилуй мя, исцели душу мою, яко согрехих Тебе. Господи, к Тебе прибегах, научи мя творити волю Твою, яко Ты еси Бог мой: яко у Тебе источник живота, во свете Твоем узрим свет. Пробоуди милость Твою ведущим Тя.

Святой Боже, Святой Крепкий, Святой Безсмертный, помилуй нас. (Трижды)

Слава Отцу и Сыну и Святому Духу и ныне и присно и во веки веков. Аминь.

Святой Безсмертный, помилуй нас.

Святой Боже, Святой Крепкий, Святой Безсмертный, помилуй нас.

ТРОПАРИ ПО СЛАВОСЛОВІЮ:

Тропарь святой, глас 4:

Жизнь рождшую во чреве носила еси, Чистую Богоматерь, Богомудрая Анно. Темже к приятию Небесному, идеже веселящихся жилище, в славе радуешься, ныне преставилася еси, чтущим тя любовью прегрешений просящи очищение, присноблаженная.

(Единожды)

ЕКТЕНИЯ СУГУБАЯ:

Диакон: Помилуй нас, Боже, по велицей милости Твоей, молим Ти ся, услыши и помилуй.

Хор: Господи, помилуй. (Трижды, на каждое прошение)

Еще молимся о Великом Господине и Отце нашем Святейшем Патриархе Кирилле, и о Господине нашем Высокопреосвященнейшем митрополите (или: архиепископе, или: преосвященнейшем епископе имярек), и всей во Христе братии нашей.

Еще молимся о Богохранимей стране нашей, властях и воинстве ея, да тихое и безмолвное житие проживем во всяком благочестии и чистоте.

Еще молимся о блаженных и приснопамятных создателях святого храма сего, и о всех преждепочивших отцах и братьях, где лежащих и повсюду, православных.

Еще молимся о милости, жизни, мире, здравии, спасении, посещении, прощении и оставлении грехов рабов Божиих настоятеля, братии и прихожан святого храма сего.

Еще молимся о плодоносящих и добродельных во святом и всечестном храме сем, труждающихся, поющих и предстоящих людех, ожидающих от Тебе великия и богатыя милости.

Иерей: Яко Милостив и Человеколюбец Бог еси, и Тебе славу возсылаем, Отцу и Сыну и Святому Духу, ныне и присно и во веки веков.

Хор: Аминь.

ЕКТЕНИЯ ПРОСИТЕЛЬНАЯ:

Диакон: Исполним утреннюю молитву нашу Господеви.

Хор: Господи, помилуй.

Диакон: Заступи, спаси, помилуй и сохрани нас, Боже, Твоею благодатию.

Хор: Господи, помилуй.

Диакон: Дне всего совершенна, свята, мирна и безгрешна у Господа просим.

Хор: Подай, Господи. *(На каждое прошение)*

Диакон: Ангела мирна, верна наставника, хранителя душ и телес наших, у Господа просим.

Прощения и оставления грехов и прегрешений наших у Господа просим.

Добрых и полезных душам нашим и мира миру у Господа просим.

Прочее время живота нашего в мире и покаянии скончати у Господа просим.

Христианския кончины живота нашего, безболезнены, непостыдны, мирны и добраго ответа на Страшнем Судищи Христове просим.

Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувше, сами себе, и друг друга, и весь живот наш Христу Богу предадим.

Хор: Тебе, Господи.

Иерей: Яко Бог милости, щедрот и человеколюбия еси, и Тебе славу возсылаем, Отцу, и Сыну, и Святому Духу, ныне и присно, и во веки веков.

Хор: Аминь.

Иерей: Мир всем.

Хор: И духови твоему.

Диакон: Главы наша Господеви приклоним.

Хор: Тебе, Господи.

Иерей: Твое бо есть, еже милovati и спасати ны, Боже наш, и Тебе славу возсылаем, Отцу и Сыну и Святому Духу, ныне и присно и во веки веков.

Хор: Аминь.

Диакон: Премудрость.

Хор: Благословии.

Иерей: Сый благословен Христос Бог наш, всегда, ныне и присно и во веки веков.

Хор: Аминь. Утверди, Боже, святую православную веру, православных христиан во век века.

Иерей: Пресвятая Богородице, спаси нас.

Хор: Честнейшую Херувим и Славнейшую без сравнения Серафим, без истления Бога Слова рождшую, сущую Богородицу, Тя величаем.

Иерей: Слава Тебе, Христе Боже, Упование наше, слава Тебе.

Хор: Слава Отцу и Сыну и Святому Духу, и ныне и присно и во веки веков. Аминь. Господи, помилуй. *(Трижды)* Благословии.

Иерей: Произносит праздничный или дневной отпуст.

Хор: Великаго Господина и Отца нашего Кирилла, Святейшаго Патриарха Московского и всея Руси, и Господина нашего *(Высоко)* Преосвященнейшаго *(имярек)*, *(архи)*епископа *(митрополита (титул))*, богохранимую страну нашу Российскую, настоятеля, братию и прихожан святого храма сего и вся православныя христианы, Господи, сохрани их на многая лета.

И сразу читается 1-й час.

ПЕРВЫЙ ЧАС:

Чтец: Приидите, поклонимся Цареву нашему Богу.

Приидите, поклонимся и припадём Христу, Цареву нашему Богу.

Приидите, поклонимся и припадём Самому Христу, Цареву и Богу нашему.

Псалом 5:

Глаголы моя внуши, Господи, разумей звание мое. Вонми гласу моления моего, Царю мой и Боже мой, яко к Тебе помолюся, Господи. Заутра услыши глас мой, заутра предстану Ти, и узриши мя. Яко Бог не хотяй беззакония, Ты еси: не приселитя к Тебе лукавнуяй, ниже пребудут беззаконницы пред очима Твоима: возненавидел еси вся делающия беззаконие. Погубиши вся глаголющия лжу: мужа кровей и лстыва гнушается Господь. Аз же множеством милости Твоея, вниду в дом Твой, поклонюся ко храму святому Твоему, в страхе Твоем. Господи, настави мя правдою Твоею, враг моих ради исправи пред Тобою путь мой. Яко несть во устех их истины, сердце их суетно, гроб отверст гортань их: языки своими льщаху. Суди им, Боже, да отпадут от мыслей своих, по множеству нечестия их изрини я, яко преогорчиша Тя, Господи. И да возвеселятся вси уповающи на Тя, во век возрадуются, и вселишия в них, и похвалятся о Тебе любящии имя Твое. Яко Ты благословиши праведника, Господи: яко оружием благоволения венчал еси нас.

Псалом 89:

Господи, прибежище был еси нам в род и род. Прежде даже горам не быти и создатися земли и вселенней, и от века и до века Ты еси. Не отврати человека во смирение, и рекл еси: обратитесь, сынове человечести. Яко тысяща лет пред очима Твоима, Господи, яко день вчерашний, иже мимоиде, и стража ночная. Уничужения их лета будут. Утро яко трава мимоидет, утро процветет и прейдет: на вечер отпадет ожестеет и исхнет. Яко исчезоном гневом Твоим, и яростию Твоею смутихомся. Положил еси беззакония наша пред Тобою: век наш в просвещение лица Твоего. Яко вси дние наши оскудеша, и гневом Твоим исчезоном, лета наша яко паучина поучахуся. Дние лет наших, в нихже седьдесят лет, аще же в силах, осьмьдесят лет, и множае их труд и болезнь: яко прииде кротость на ны, и накажемся. Кто вест державу гнева Твоего, и от страха Твоего, ярость Твою исчестит? Десницу Твою тако скажи ми, и окованныя сердцем в мудрости. Обратися, Господи, доколе? И умолен буди на рабы Твоя. Исполнихомся заутра милости Твоея, Господи, и возрадовахомся, и возвеселихомся, во вся дни наша возвеселихомся, за дни в няже смирил ны еси, лета в няже видехом злая. И призри на рабы Твоя, и на дела Твоя, и настави сыны их. И буди светлость Господа Бога нашего на нас, и дела рук наших исправи на нас, и дело рук наших исправи.

Псалом 100:

Милость и суд воспою Тебе, Господи. Пою и разумю в пути непорочно, когда приидеши ко мне? Прехождях в незлобии сердца моего посреде дому моего. Не предлагях пред очима мойма вещь законопреступную: творящая преступление возненавидех. Не прильпе мне сердце строптиво, уклоняющагося от мене лукаваго не познах. Оклеветавшаго тай искренняго своего, сего изгонях: гордым оком, и несытым сердцем, с сим не ядох. Очи мой на верныя земли, посаждати я со мною: ходяй по пути непорочно, сей ми служаше. Не живяше посреде дому моего творяй гордыню, глаголяй неправедная, не исправляше пред очима мойма. Во утрия избивах вся грешныя земли, еже потребити от града Господня вся делающия беззаконие.

Слава Отцу и Сыну и Святому Духу, и ныне и присно и во веки веков. Аминь.

Аллилуиа, аллилуиа, аллилуиа, слава Тебе Боже. *(Трижды)*

Господи, помилуй. *(Трижды)*

Слава Отцѹ и Сыну и Святому Духу.

Тропарь святой, глас 4:

Жизнь рождшую во чреве носила еси, Чистую Богоматерь, Богомудрая Анно. Темже к приятию Небесному, идеже веселящихся жилище, в славе радуешься, ныне преставилася еси, чтущим тя любовью прегрешений просящи очищение, присноблаженная.

И ныне и присно и во веки веков. Аминь.

Что Ты наречем, о Благодатная? Небо, яко возсияла еси Солнце Правды. Рай, яко прозябла еси цвет нетления Деву, яко пребыла еси нетленна. Чистую Матерь, яко имела еси на святых Твоих объятиях Сына, всех Бога. Того моли спастись душам нашим.

Стопы моя направи по словеси Твоему и да не обладает мною всякое беззаконие. Избави мя от клеветы человеческия, и сохрани заповеди Твоя. Лице Твое просвети на раба Твоего и научи мя оправданием Твоим.

Да исполнятся уста моя хваления Твоего, Господи, яко да воспую славу Твою, весь день великолепие Твое.

ТРИСВЯТОЕ ПО ОТЧЕ НАШ:

Святой Боже, Святой Крепкий, Святой Безсмертный, помилуй нас. *(Трижды)*

Слава Отцѹ и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святой, посети и исцели немощи наша, имене Твоего ради.

Господи, помилуй, *(Трижды)*

Слава Отцѹ и Сыну и Святому Духу, и ныне и присно и во веки веков. Аминь.

Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Иерей: Яко Твое есть Царство и сила и слава Отца и Сына и Святаго Духа, ныне и присно и во веки веков.

Чтец: Аминь.

Кондак святой, глас 2:

Прародителей Христовых память празднуем, тех верно просяще помощи избавитися всем от всякия скорби, зовущим: Бог наш с нами, сих прославлей, якоже благоволи.

Господи, помилуй. *(40 раз)*

Иже на всякое время и на всякий час, на Небеси и на земли, покланяемый и славимый, Христе Боже, Долготерпеливе, Многомилостиве, Многоблагоутробне, Иже праведныя любяй и грешныя милуяй, Иже вся зовый ко спасению обещания ради будущих благ. Сам, Господи, приими и наша в час сей молитвы и исправи живот наш к заповедем Твоим, души наша освяти, телеса очисти, помышления исправи, мысли очисти и избави нас от всякия скорби, зол и болезней, оградь нас святыми Твоими Ангелы, да ополчением их соблюдаеми и наставляеми, достигнем в соединение веры и в разум неприступныя Твоея славы, яко благословен еси во веки веков, аминь.

Господи помилуй. *(Трижды)*

Слава Отцѹ и Сыну и Святому Духу, и ныне и присно и во веки веков. Аминь.

Честнейшую Херувим и Славнейшую без сравнения Серафим, без истления Бога Слова рождшую, сущую Богородицу, Тя величаем.

Именем Господним благослови, отче.

Иерей: Бóже, ущéдри ны и благословí ны, просветí лицé Твоé на ны и помíлуй ны.

Чтец: Амíнь.

Иерей: Христé, Свéте Ёстинный, просвещáяй и освящáяй всякаго челове́ка, грядúщаго в мир, да зна́менается на нас свет лица́ Твоего́, да в нем úзрим Свет Непристу́пный: и испра́ви стопы́ на́ша к дéланию за́поведей Твои́х, моли́твами Пречíстыя Твоея́ Ма́тере, и всех Твои́х святы́х, амíнь.

Хор: Взбра́нной Воево́де победíтельная, я́ко избáвльшеся от злых, благода́рственная восписúем Ти раби́ Твой, Богороди́це, но я́ко имúщая держа́ву непобедíмую, от всяких нас бед свободí, да зове́м Ти; ра́дуйся, Невéсто Неневéстная.

Иерей: Сла́ва Тебе́, Христé Бóже, упова́ние на́ше, сла́ва Тебе́.

Хор: Сла́ва Отцу́ и Сы́ну и Свято́му Ду́ху, и ны́не и прíсно и во ве́ки веко́в. Амíнь. Го́споди, помíлуй. (Три́жды) Благослови.

Иерей: Отпуст праздника или дня.

Хор: Вели́каго Господíна и Отца́ на́шего Кири́лла, Святе́йшаго Патриáрха Моско́вского и всея́ Русí, и Господíна на́шего (Высо́ко)Преосвяще́нейшаго (имярек), (архи)е́пископа (митрополита (титул)), богохрани́мую страну́ на́шу Росси́йскую, настоя́теля, бра́тию и прихо́жан свята́го хра́ма сегó и вся правосла́вныя христиáны, Го́споди, сохрани́ их на мно́гая léта.

ТРЕ́ТИЙ ЧАС:

Иерей: Благословéн Бог наш всегда́, ны́не и прíсно, и во ве́ки веко́в.

Чтец: Амíнь.

Сла́ва Тебе́, Бóже наш, сла́ва Тебе́.

Царю́ Небесный, Уте́шителю, Ду́ше йстины, Ёже везде́ сый и вся исполня́яй, Сокро́вище благíх и жízни Подáтелю, прииди́ и всели́ся в ны, и очíсти ны от всякия сквёрны, и спаси́, Бла́же, ду́ши на́ша.

ТРИСВЯТО́Е ПО О́ТЧЕ НАШ:

Чтец: Святы́й Бóже, Святы́й Кре́пкий, Святы́й Безсме́ртный, помíлуй нас. (Три́жды)

Сла́ва Отцу́ и Сы́ну и Свято́му Ду́ху, и ны́не и прíсно и во ве́ки веко́в. Амíнь.

Пресвята́я Трóице, помíлуй нас; Го́споди, очíсти грехи́ на́ша; Влады́ко, прости́ беззакóния на́ша; Святы́й, посети́ и исцели́ немо́щи на́ша, имене́ Твоего́ ра́ди.

Го́споди, помíлуй. (Три́жды)

Сла́ва Отцу́ и Сы́ну и Свято́му Ду́ху, и ны́не и прíсно и во ве́ки веко́в. Амíнь.

О́тче наш, Ёже еси́ на Небесéх, да святíтся и́мя Твоé, да приидет Цáрствие Твоé, да бúдет во́ля Твоя́, я́ко на Небеси́ и на земли́. Хлеб наш насущный да́ждь нам днесь; и оста́ви нам до́лги на́ша, я́коже и мы оставля́ем должникóм на́шим; и не введи́ нас во искуше́ние, но избáви нас от лука́ваго.

Иерей: Я́ко Твоé есть Цáрство и си́ла и сла́ва Отца́ и Сы́на и Свята́го Ду́ха, ны́не и прíсно и во ве́ки веко́в.

Чтец: Амíнь. Го́споди, помíлуй. (12 раз)

Сла́ва Отцу́ и Сы́ну и Свято́му Ду́ху, и ны́не и прíсно и во ве́ки веко́в. Амíнь.

Прииди́те, поклони́мся Царéви на́шему Бо́гу.

Прииди́те, поклони́мся и припадéм Христу́, Царéви на́шему Бо́гу.

Прииди́те, поклони́мся и припадéм Самому́ Христу́, Царéви и Бо́гу на́шему.

Псалóм 16:

Услы́ши, Го́споди, пра́вду мою́, вонми́ моле́нию моему́, внуши́ моли́тву мою́ не во устна́х льсти́вых. От лица́ Твоего́ судьба́ моя́ изы́дет, очи́ мой да ви́дита правоты́. Искуси́л еси́

сёрдце моё, посетил еси нощию, искусил мя еси, и не обрётесь во мне неправда. Яко да не возглаголют уста моя дел человеческих, за словеса устен Твоих аз сохраних пути жестоки. Соверши стопы моя во стезях Твоих, да не подвижутся стопы моя. Аз воззвах, яко услышал мя еси, Боже, приклони ухо Твое мне и услыши глаголы моя. Удиви милости Твоя, спасаая уповающих на Тя от противящихся деснице Твоей. Сохрани мя, Господи, яко зеницу ока, в крове крилу Твоею покрыши мя. От лица нечестивых острастших мя, врази мой душу мою одержаша. Тук свой затвориша, уста их глаголаша гордыню. Изгоняяши мя ныне обыдоша мя, очи свой возложиша уклонити на землю. Объяша мя яко лев готов на лов и яко скимен обитаяй в тайных. Воскресни, Господи, предвари я и запни им, избави душу мою от нечестиваго, оружие Твое от враг руки Твоея. Господи, от малых от земли, раздели я в животе их, и сокровённых Твоих исполнися чрево их, насытятся сынов, и оставиша останки младенцем своим. Аз же правдою явлюся лицу Твоему, насыщуся, внемда явити ми ся славе Твоей.

Псалом 24:

К Тебе, Господи, воздвигох душу мою, Боже мой, на Тя уповах, да не постыжуся во век, ниже да посмеют ми ся врази мой, ибо вси терпящии Тя не постыдятся. Да постыдятся беззаконующии вотще. Пути Твоя, Господи, скажи ми, и стезям Твоим научи мя. Настави мя на истину Твою, и научи мя, яко Ты еси Бог Спас мой, и Тебе терпех весь день. Помяни щедроты Твоя, Господи, и милости Твоя, яко от века суть. Грех юности моея, и неведения моего не помяни, по милости Твоей помяни мя Ты, ради благости Твоея, Господи. Благ и прав Господь, сего ради законоположит согрешающим на пути. Наставит краткия на суд, научит краткия путем Своим. Все пути Господни милость и истина, разыскающим завета Его, и свидения Его. Ради имени Твоего, Господи, и очисти грех мой, мног бо есть. Кто есть человек бояйся Господа? Законоположит ему на пути, егже изволи. Душа его во благих водворится, и семя его наследит землю. Держава Господь боящихся Его, и завет Его явит им. Очи мой выну ко Господу, яко Той исторгнет от сети нозе мой. Призри на мя и помилуй мя, яко единород и нищ есмь аз. Скорби сердца моего умножишася, от нужд моих изведи мя. Виждь смирение мое, и труд мой, и остави вся грехи моя. Виждь враги моя, яко умножишася, и ненавидением неправедным возненавидеша мя. Сохрани душу мою, и избави мя, да не постыжуся, яко уповах на Тя. Незлобивии и правии прилеплюхся мне, яко потерпех Тя, Господи. Избави, Боже, Израиля от всех скорбей его.

Псалом 50:

Помилуй мя, Боже, по велицей милости Твоей, и по множеству щедрот Твоих очисти беззаконие мое. Наипаче омий мя от беззакония моего, и от греха моего очисти мя; яко беззаконие мое аз знаю, и грех мой предо мною есть вина. Тебе Единому согреших и лукавое пред Тобою сотворих, яко да оправдишися во словесах Твоих, и победиши внемда судити Ти. Се бо, в беззакониих зачат есмь, и во гресех роди мя мати моя. Се бо, истину возлюбил еси; безвестная и тайная премудрости Твоея явил ми еси. Окропиши мя иссопом, и очышуся; омьеша мя, и паче снега убелюся. Слуху моему даши радость и веселие; возрадуются кости смиренныя. Отврати лице Твое от грех моих и вся беззакония моя очисти. Сердце чисто созижди во мне, Боже, и дух прав обнови во утробе моей. Не отвержи мене от лица Твоего и Духа Твоего Святого не отыми от мене. Воздаждь ми радость спасения Твоего и Духом Владычним утверди мя. Научу беззаконныя путем Твоим, и нечестивии к Тебе обратятся. Избави мя от кровей, Боже, Боже спасения моего; возрадуется язык мой правде Твоей. Господи, устне мои отверзеши, и уста моя возвестят хвалу Твою. Яко аще бы восхотел еси жертвы, дал бых убо: всесожжения не благоволиши. Жертва Богу дух сокрушен; сердце сокрушено и смиренно Бог не унижит. Ублажи, Господи, благоволением Твоим Сиона, и да созиждутся стены Иерусалимския. Тогда

благоволиши жертву правды, возношение и всесожгаемая; тогда возложат на олтарь Твой тельцы.

Слава Отцу и Сыну и Святому Духу и ныне и присно и во веки веков. Аминь.

Аллилуиа, аллилуиа, аллилуиа, слава Тебе Боже. *(Трижды)*

Господи, помилуй. *(Трижды)*

Слава Отцу и Сыну и Святому Духу.

Тропарь святой, глас 4:

Жизнь рождшую во чреве носила еси, Чистую Богоматерь, Богомудрая Анно. Темже к приятию Небесному, идеже веселящихся жилище, в славе радуешься, ныне преставилася еси, чтущим тя любовью прегрешений просящи очищение, присноблаженная.

И ныне и присно и во веки веков. Аминь.

Богородице, Ты еси лоза истинная, возрастившая нам Плод живота, Тебе молимся: молися, Владычице, со святыми апостолы помилovati души наша.

Господь Бог благословен, благословен Господь день дне, поспешит нам Бог спасений наших, Бог наш, Бог спасати.

ТРИСВЯТОЕ ПО ОТЧЕ НАШ:

Чтец: Святой Боже, Святой Крепкий, Святой Безсмертный, помилуй нас. *(Трижды)*

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святой, посети и исцели немощи наша, имене Твоего ради.

Господи, помилуй. *(Трижды)*

Слава Отцу и Сыну и Святому Духу, и ныне и присно и во веки веков. Аминь.

Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на Небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Иерей: Яко Твое есть Царство и сила и слава Отца и Сына и Святаго Духа, ныне и присно и во веки веков.

Чтец: Аминь.

Кондак святой, глас 2:

Прародителей Христовых память празднуем, тех верно просяще помощи избавитися всем от всякия скорби, зовущим: Бог наш с нами, сих прославлей, якоже благоволи.

Господи, помилуй. *(40 раз)*

Иже на всякое время и на всякий час, на Небеси и на земли, покланяемый и славимый, Христэ Боже, Долготерпеливе, Многомилостиве, Многоблагодарне, Иже праведныя любяй и грешныя милуяй, Иже вся зовый ко спасению обещания ради будущих благ. Сам, Господи, приими и наша в час сей молитвы и исправи живот наш к заповедем Твоим, души наша освяти, телеса очисти, помышления исправи, мысли очисти и избави нас от всякия скорби, зол и болезней, оградь нас святыми Твоими Ангелы, да ополчением их соблюдаеми и наставляеми, достигнем в соединение веры и в разум неприступныя Твоея славы, яко благословен еси во веки веков, аминь.

Господи помилуй. *(Трижды)*

Слава Отцу и Сыну и Святому Духу и ныне и присно и во веки веков. Аминь.

Честнейшую Херувим и Славнейшую без сравнения Серафим, без истления Бога Слова рождшую, сущую Богородицу, Тя величаем.

Именем Господним благослові, отче.

Иерей: Молитвами святых отец наших, Господи Иисусе Христе, Боже наш, помилуй нас.

Чтец: Аминь. Владыко Боже Отче Вседержителю, Господи Сыне Единородный Иисусе Христе, и Святой Душе, Единое Божество, Единая Сила, помилуй мя, грешного, и имиже веси судьбами, спаси мя, недостойного раба Твоего, яко благословен еси во веки веков, аминь.

ШЕСТОЙ ЧАС:

Чтец: Приидите, поклонимся Цареву нашему Богу.

Приидите, поклонимся и припадём Христу, Цареву нашему Богу.

Приидите, поклонимся и припадём Самому Христу, Цареву и Богу нашему.

Псалом 53:

Боже, во имя Твое спаси мя, и в силе Твоей суди ми. Боже, услыши молитву мою, внуши глаголы уст моих. Яко чуждии восташа на мя и крепции взыскаша душу мою, и не предложаша Бога пред собою. Се бо Бог помогает ми, и Господь Заступник души моей. Отвратит злая врагом моим, истиною Твоею потребит их. Волею пожру Тебе, исповемся имени Твоему, Господи, яко благо, яко от всякия печали избавил мя еси, и на враги моя воззрел око мое.

Псалом 54:

Внуши, Боже, молитву мою и не презри моления моего. Вонми ми и услыши мя: возскорбел печалию моею и смятохся. От гласа вражия и от стужения грешника, яко уклонил на мя беззаконие и во гневе враждовашу ми. Сердце мое смятется во мне и боязнь смерти нападет на мя. Страх и трепет придет на мя и покрыт мя тьма. И рех: кто даст ми криле, яко голубине, и полещу, и почию? Се удалихся бегая и водворихся в пустыни. Чаях Бога, спасающего мя от малодушия и от бури. Потопи, Господи, и раздели языки их: яко видех беззаконие и пререкание во граде. Днем и ночью обидет и по стенам его. Беззаконие и труд посреде его и неправда. И не оскуде от стогн его лихва и лесть. Яко аще бы враг поносил ми, претерпел бых убо, и аще бы ненавидял мя на мя велеречевал, укрыл бых ся от него. Ты же, человеке равнодушне, владыко мой и знаемый мой, иже купно наслаждался еси со мною брашен, в дому Божии ходихом единомышлением. Да придет же смерть на ня, и да снудут во ад живи, яко лукавство в жилищах их, посреде их. Аз к Богу възвах, и Господь услыша мя. Вечер и заутра, и полудне повем, и возвещу, и услышит глас мой. Избавит миром душу мою от приближающихся мне, яко во мнозе бяху со мною. Услышит Бог и смирит я, Сый прежде век. Несть бо им изменения, яко не убояшася Бога. Простре руку свою на воздаяние, оскверниша завет Его. Разделишася от гнева лица Его, и приближишася сердца их, умякнуша словеса их паче елеса, и та суть стрелы. Возверзи на Господа печаль твою, и Той тя препитает, не даст в век молвы праведнику. Ты же, Боже, низведеши я в студенец истления, мужие кровей и лести не преполовят дней своих. Аз же, Господи, уповаю на Тя.

Псалом 90:

Живый в помощи Вышняго, в крове Бога Небеснаго водворится. Речет Господеви: Заступник мой еси и Прибежище мое, Бог мой, и уповаю на Него. Яко Той избавит тя от сети ловчи и от словеса мятежна, плещма Своима осенит тя, и под криле Его надеешься: оружием обидет тя истина Его. Не убойшися от страха ночнаго, от стрелы летящая во дни, от вещи во тме преходящая, от сряща и беса полуденнаго. Падет от страны твоея тысяща, и тма одесную тебе, к тебе же не приблизится, обаче очима твоима смотриши, и воздаяние грешников узриши. Яко Ты, Господи, упование мое, Вышняго положил еси прибежище твое. Не придет к тебе зло и рана не приблизится телеси твоему, яко Ангелом Своим заповесть о тебе, сохранити тя во всех путех твоих. На руках возмут тя,

да не когда преткнёши о камень ногу твою, на аспида и василиска наступиши, и поперёши льва и змѣя. Яко на Мя упová и избáвлю ѳ, покрýю ѳ, яко познá ѳмя Моё. Воззовёт ко Мне и услýшу егó, с ним есмь в скóрби, измý егó и прослáвлю егó, долготóу дней испóлню егó и явлý емý спасёние Моё.

Слáва Отцý и Сýну и Святóму Дýху и ны́не и прѣсно и во вéки векóв. Амѣнь.

Аллилúиа, аллилúиа, аллилúиа, слáва Тебé Бóже. *(Трижды)*

Гóсподи, помѣлуй. *(Трижды)*

Слáва Отцý и Сýну и Святóму Дýху.

Тропáрь святой, глас 4:

Жизнь рóждшую во чрéве носѣла есѣ, Чѣстную Богомáтерь, Богомúдрая А́нно. Тёмже к прѣятѣю Небéсному, идёже веселящихся жилище, в слáве радующихся, ны́не престáвилася есѣ, чтýщим тя любóвию прегрешёний просящи очищёние, присноблажённая.

И ны́не и прѣсно и во вéки векóв. Амѣнь.

Яко не ѳмамы дерзновёния за премно́гия грехѣ нáша, Ты ѳже от Тебé Рóждшагося моли́, Богорóдице Дéво, мно́го бо мóжет молёние Мáтернее ко благосёрдию Влады́ки. Не прѣзри грёшных мольбы́, Всечѣстая, яко мѣлостив есть и спасти́ могѣй, Ы́же и страдáти о нас избóливый.

Скóро да предваря́т ны щедрóты Твоѣ, Гóсподи, яко обнищáхом зело́; помози́ нам, Бóже, Спа́се наш, слáвы рáди Ы́мене Твоегó, Гóсподи, избáви нас и очѣсти грехѣ нáша, Ы́мене рáди Твоегó.

ТРИСВЯТÓЕ ПО ÓТЧЕ НАШ:

Чтец: Святѣй Бóже, Святѣй Крѣпкий, Святѣй Безсмёртный, помѣлуй нас. *(Трижды)*

Слáва Отцý и Сýну и Святóму Дýху, и ны́не и прѣсно и во вéки векóв. Амѣнь.

Пресвятáя Трóице, помѣлуй нас; Гóсподи, очѣсти грехѣ нáша; Влады́ко, прости́ беззакóния нáша; Святѣй, посети́ и исцели́ нёмощи нáша, ѳмене Твоегó рáди.

Гóсподи, помѣлуй. *(Трижды)*

Слáва Отцý и Сýну и Святóму Дýху, и ны́не и прѣсно и во вéки векóв. Амѣнь.

Óтче наш, Ы́же есѣ на Небесéх, да святѣтся ѳмя Твоё, да прѣидет Цáрствие Твоё, да бóдет во́ля Твоѣ, яко на Небесѣ и на землѣ. Хлеб наш насущный дáждь нам днесь; и оста́ви нам дóлги нáша, якоже и мы оставля́ем должникóм нáшим; и не введѣ́ нас во искушёние, но избáви нас от лука́ваго.

Иерей: Яко Твоё есть Цáрство и сѣла и слáва Отцá и Сýна и Святáго Дýха, ны́не и прѣсно и во вéки векóв.

Чтец: Амѣнь.

Кондáк святой, глас 2:

Прародѣтелей Христóвых пáмьть прáзднуем, тех вёрно просяще пóмощи избáвитися всем от всѣкия скóрби, зовýщим: Бог наш с нáми, сѣх прославлѣ́й, якоже благоволи́.

Гóсподи, помѣлуй. *(40 раз)*

Ы́же на всѣкое врёмѣ и на всѣкий час, на Небесѣ и на землѣ, поклоня́емый и слáвимый, Христé Бóже, Долготерпелѣве, Многомѣлостиве, Многоблагоутрóбне, Ы́же прáведныя любя́й и грёшныя мѣлуяй, Ы́же вся зовѣй ко спасёнию обеща́ния рáди бóдущих благ. Сам, Гóсподи, приими́ и нáша в час сей молѣтвы и испрáви живóт наш к зáповедем Твоѣм, дýши нáша освятѣ́, телесá очѣсти, помышлёния испрáви, мѣсли очѣсти и избáви нас от всѣкия скóрби, зол и болéзней, огради́ нас святѣми Твоѣми А́нгелы, да ополчёнѣем их соблюдáемѣ и наставля́емѣ, достѣгнем в соединёние вёры и в рáзум непрѣступныя Твоеѣ слáвы, яко благословён есѣ во вéки векóв, амѣнь.

Господи помилуй. (Трижды)

Слава Отцу и Сыну и Святому Духу и ныне и присно и во веки веков. Аминь.

Честнейшую Херувим и Славнейшую без сравнения Серафим, без истления Бога Слова рождшую, сущую Богородицу, Тя величаем.

Именем Господним благослови, отче.

Иерей: Молитвами святых отец наших, Господи Иисусе Христе, Боже наш, помилуй нас.

Чтец: Аминь. Боже и Господи сил и вся твари Содетелю, Иже за милосердие безприкладныя милости Твоея Единороднаго Сына Твоего, Господа нашего Иисуса Христа, низпославый на спасение рода нашего, и честным Его Крестом рукописание грех наших растерзавый, и победивый тем начала и власти тьмы. Сам, Владыко Человеколюбче, прими и нас, грешных, благодарственныя сия и молебныя молитвы и избави нас от всякаго всегубительнаго и мрачнаго прегрешения и всех озлобити нас ищущих видимых и невидимых враг. Пригвозди страху Твоему плоти наша и не уклони сердце наших в словеса или помышления лукавствия, но любовь Твою уязви души наша, да, к Тебе всегда взирающе и еже от Тебе светом наставляеми, Тебе, неприступнаго и присносущнаго зряще Света, непрестанное Тебе исповедание и благодарение возсылаем, Безначальному Отцу со Единородным Твоим Сыном и Всесвятым, и Благим, и Животворящим Твоим Духом ныне, и присно, и во веки веков, аминь.

БОЖЕСТВЕННАЯ ЛИТУРГИЯ

Диакон: Благословй, владыко.

Иерей: Благословено Царство Отца и Сына и Святаго Духа, ныне и присно и во веки веков.

Хор: Аминь.

ВЕЛИКАЯ ЕКТЕНИЯ.

Диакон: Мiром Господу помолимся.

Хор: Господи, помилуй. *(На каждое прошение)*

Диакон: :О Свiшнем мiре и спасении душ наших, Господу помолимся.

О мiре всего мiра, благостоянии Святых Божиих Церквей и соединении всех, Господу помолимся.

О святём храме сем и с верою, благоговением и страхом Божиим входящих в оный, Господу помолимся.

О великом Господине и Отце нашем Святейшем Патриархе Кирилле, и о Господине нашем, Высокопреосвященнейшем митрополите *(или: архиепископе, или: преосвященнейшем епископе имярек)*, честнем пресвитерстве, во Христе диаконстве, о всем причте и людех, Господу помолимся.

О Богохранимем странё нашей, властех и воинстве ея, Господу помолимся.

О граде сем *(или о веси сей)*, всяком граде, странё и верою живущих в них, Господу помолимся.

О благорастворении воздушов, о изобилии плодов земных и временех мирных, Господу помолимся.

О плавающих, путешествующих, недугующих, страждущих, плененных и о спасении их. Господу помолимся.

О избавитися нам от всякия скорби, гнева и нужды, Господу помолимся.

Заступи, спаси, помилуй и сохрани нас, Боже, Твоею благодатию.

Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе и друг друга, и весь живот наш Христу Богу предадим.

Хор: Тебё, Господи.

Иерей: Яко подобает Тебё всякая слава честь и поклонение, Отцу и Сыну и Святому Духу, ныне и присно и во веки веков.

Хор: Аминь.

ПЕРВЫЙ АНТИФОН, ПСАЛОМ 102:

Хор:

Благословй, душе моя, Господа, благословен еси Господи.

Благословй, душе моя, Господа, и вся внутренняя моя имя святое Его. Благословй, душе моя, Господа, и не забывай всех воздаяний Его, очищающего вся беззакония твоя, исцеляющего вся недуги твоя, избавляющего от истления живот твой, венчающего тя милостию и щедротами, исполняющего во благих желание твое: обновится яко орля юность твоя. Твори милостины Господь, и судьбу всем обидимым. Сказав пути Свои Моисею, сыном Израилевым хотения Свои: Щедр и Милостив Господь, Долготерпелив и Многомилостив. Не до конца прогневается, ниже в век враждует, не по беззаконием нашим сотворил есть нам, ниже по грехом нашим воздал есть нам. Яко по высоте небесней от земли, утвердил есть Господь милость Свою на боящихся Его. Елико отстоят востоцы от запад, удалил есть от нас беззакония наша. Якоже щедрит отец сыны,

ущедри Господь боящихся Его. Яко Той позна создание наше, помяну, яко персть есмь. Человек, яко трава дне егo, яко цвет сельный, тако оцветет, яко дух пройде в нем, и не будет, и не познает ктому места своего. Милость же Господня от века и до века на боящихся Его, и правда Его на сынех сынов, хранящих завет Его, и помнящих заповеди Его творити я. Господь на Небеси уготова Престол Свой, и Царство Его всеми обладает. Благословите Господа вси Ангели Его, сильнии крепостию, творящи слово Его, услышати глас словес Его. Благословите Господа вся Силы Его, слуги Его, творящи волю Его. Благословите Господа вся дела Его, на всяком месте владычества Его.

Благослови, душе моя, Господа, и вся внутренняя моя имя святое Его. Благословен еси, Господи.

ЕКТЕНИЯ МАЛАЯ

Диакон: Паки и паки, миром Господу помолимся.

Хор: Господи, помилуй.

Диакон: Заступи, спаси, помилуй и сохрани нас, Боже, Твоею благодатию.

Хор: Господи, помилуй.

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе и друг друга, и весь живот наш Христу Богу предадим.

Хор: Тебе, Господи.

Иерей: Яко Твоя держава, и Твое есть Царство, и сила, и слава, Отца и Сына и Святаго Духа, ныне и присно и во веки веков.

Хор: Аминь.

ВТОРОЙ АНТИФОН, ПСАЛОМ 145:

Хор:

Хвали, душе моя, Господа. Восхваляю Господа в животе моем, пою Богу моему, дондеже есмь. Не надейтесь на князи, на сыны человеческия, в нихже несть спасения. Изидет дух его и возвратится в землю свою. В той день погибнут вся помышления его. Блажен, емуже Бог Иаковль Помощник его, упование его на Господа Бога своего, сотворшаго небо и землю, море и вся, яже в них, хранящаго истину в век, творящаго суд обидимым, дающаго пищу алчущим. Господь решит окованныя. Господь умудряет слепцы. Господь возводит низверженные. Господь любит праведники. Господь хранит пришельцы, сира и вдову приимет и путь грешных погубит. Воцарится Господь во век, Бог твой, Сионе, в род и род.

ЕДИНОРОДНЫЙ СЫНЕ:

Хор: Слава Отцу и Сыну и Святому Духу и ныне и присно и во веки веков. Аминь.

Единородный Сыне и Слове Божий, Безсмертен Сый и изволивый спасения нашего ради воплотиться от Святыя Богородицы и Приснодевы Марии, непреложно вочеловечивыйся, распныйся же, Христе Боже, смертию смертью поправый, Един Сый Святыя Троицы, прославляемый Отцу и Святому Духу, спаси нас.

ЕКТЕНИЯ МАЛАЯ

Диакон: Паки и паки, миром Господу помолимся.

Хор: Господи, помилуй.

Диакон: Заступи, спаси, помилуй и сохрани нас, Боже, Твоею благодатию.

Хор: Господи, помилуй.

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе и друг друга, и весь живот наш Христу Богу предадим.

Хор: Тебѣ, Господи.

Иерей: Яко благ и человеколюбец Бог еси, и Тебѣ славу возсылаем, Отцу, и Сыну, и Святому Духу, ныне и присно, и во веки веков.

Хор: Аминь.

ТРЕТИЙ АНТИФОН, БЛАЖЕННЫ:

Хор: Во Царствии Твоем помяни нас, Господи, егда приидеши во Царствии Твоем.

На 12. Блажени нищии духом, яко тех есть Царство Небесное.

Блажени плачущии, яко тии утешатся.

На 10: Блажени кротции, яко тии наследят землю.

Блажени алчущии и жаждущии правды, яко тии насытятся.

Святой, песнь 3-я:

На 8: Блажени милостивии, яко тии помиловани будут.

Не мудростию, и силою, и богатством хвалимся, но Тобой, Отчею Ипостасною Мудростию, Христѣ, несть бо свят, паче Тебѣ, Человеколюбче.

Блажени чистии сердцем, яко тии Бога узрят.

Заченшую Содержащаго вся зачала еси и родила еси паче слова Христа рождшую, темже твоѣ успѣние, Анно, почитаем.

На 6: Блажени миротворцы, яко тии сынове Божии нарекутся.

С похвалами совершается славная память твоѣ, яко родила еси нам хвалений превышшую, Чистую Богоматерь, Анно Богоприятная.

Блажени изгнани правды ради, яко тех есть Царство Небесное.

Якоже солнце с луною, Анне совокупляясь, славный Иоаким, дѣвства зарю раждает, Еяже ради Божества луча просия.

Святой, песнь 6-я:

На 4: Блажени есте, егда поноят вам, и изженут, и рекут всяк зол глагол на вы, лжуще Мене ради.

Господа Иисуса Бога праотцы, Иоаким же и Анна, правдою украшени, по достоянию в песнях да восхваляются днесь.

Радуйтесь и веселитесь, яко мзда ваша многа на небесех.

Всяческих похвал Анна превыде, яко всякия похвалы превозшедшую родила есть, сего ради в лице праведных водворяется.

Слава Отцу и Сыну и Святому Духу.

Светоносия и светлости исполнена память твоѣ, сияния же в мире спасительная испущающи, целомудренная Анно, дарований всяческих исполни.

И ныне и присно и во веки веков. Аминь.

От Анны мiрови родилася еси, Царице, всех Царя рождающая, и, дѣвствующи по Рождествѣ, Херувим превыши, Пренепорочная.

МАЛЫЙ ВХОД (С ЕВАНГЕЛИЕМ):

Диакон: Премудрость, прости.

Хор: Приидите, поклонимся и припадѣм ко Христу. Спаси ны, Сыне Божий, во святых дивен сый, поющия Ти: аллилуиа.

ТРОПАРИ В ХРАМЕ ГОСПОДСКОМ:

Хор:

ТРОПАРЬ ХРАМА

Тропарь святой, глас 4:

Жизнь рóждшую во чрéве носíла есí, Чíстую Богомáтерь, Богомúдрая Áнно. Тémже к прíятию Небéсному, идéже веселящихся жилище, в слáве рáдующися, нýне престáвилася есí, чтúщим тя любóвию прегрешéний просящи очищéние, присноблажéнная.

Слáва, кондáк святой, глас 2:

Прародíтелей Христóвых пáмь прáзднуем, тех вéрно просяще пóмоци избáвиться всем от всýкия скóрби, зовúщим: Бог наш с нáми, сих прославлéй, я́коже благоволи́.

И нýне:

КОНДА́К ХРА́МА

ТРОПАРИ́ В ХРА́МЕ БОГОРÓДИЦЫ: 3

Хор:

Тропа́рь святой, глас 4:

Жизнь рóждшую во чрéве носíла есí, Чíстую Богомáтерь, Богомúдрая Áнно. Тémже к прíятию Небéсному, идéже веселящихся жилище, в слáве рáдующися, нýне престáвилася есí, чтúщим тя любóвию прегрешéний просящи очищéние, присноблажéнная.

Слáва, кондáк святой, глас 2:

Прародíтелей Христóвых пáмь прáзднуем, тех вéрно просяще пóмоци избáвиться всем от всýкия скóрби, зовúщим: Бог наш с нáми, сих прославлéй, я́коже благоволи́.

И нýне:

КОНДА́К ХРА́МА

ТРОПАРИ́ В ХРА́МЕ СВЯТÓГО:

Хор:

Тропа́рь святой, глас 4:

Жизнь рóждшую во чрéве носíла есí, Чíстую Богомáтерь, Богомúдрая Áнно. Тémже к прíятию Небéсному, идéже веселящихся жилище, в слáве рáдующися, нýне престáвилася есí, чтúщим тя любóвию прегрешéний просящи очищéние, присноблажéнная.

ТРОПА́РЬ ХРА́МА

Кондáк святой, глас 2:

Прародíтелей Христóвых пáмь прáзднуем, тех вéрно просяще пóмоци избáвиться всем от всýкия скóрби, зовúщим: Бог наш с нáми, сих прославлéй, я́коже благоволи́.

Слáва:

КОНДА́К ХРА́МА

И нýне, кондáк Богороди́цы, глас 6:

Предстáтельство христиáн непостýдное, ходáтайство ко Творцú непрелóжное, не прéзри грéшных молéний глáсы, но предвари́, я́ко Благáя, на пóмощь нас, вéрно зовúщих Ти; ускори́ на молíтву и потщíся на умолéние, предстáтельствующи прíсно, Богороди́це, чтúщих Тя.

Диáкон: Гóсподу помóлимся.

Хор: Гóсподи, помíлуй.

³ Тропарь храма не поется

Иерей: Яко Свят еси, Боже наш, и Тебе славу возсылаем, Отцу и Сыну и Святому Духу, ныне и присно.

Диакон: Господи, спаси благочестивыя.

Хор: Господи, спаси благочестивыя.

Диакон: И услыши ны.

Хор: И услыши ны.

Диакон: И во веки веков.

Хор: Аминь.

ТРИСВЯТОЕ:

Хор: Святы́й Бо́же, Святы́й Кре́пкий, Святы́й Безсме́ртный, поми́луй нас. *(Трижды)*

Слава Отцу́ и Сы́ну и Свято́му Ду́ху и ны́не и присно и во ве́ки веко́в. Ами́нь.

Святы́й Безсме́ртный, поми́луй нас.

Святы́й Бо́же, Святы́й Кре́пкий, Святы́й Безсме́ртный, поми́луй нас.

Диакон: Вонмем.

Иерей: Мир всем.

Чтец: И духови твоему́.

Диакон: Премудрость.

Прокимны, Апостол, Аллилу́рии

Чтец: Прокимен, **глас 8 (дня):** Во всю зе́млю изы́де веща́ние их, и в концы́ вселе́нныя глаго́лы их.

Хор: Во всю зе́млю изы́де веща́ние их, и в концы́ вселе́нныя глаго́лы их.

Чтец: Небеса́ пове́дают сла́ву Бо́жию, творе́ние же руку́ Его́ возвеща́ет твердь.

Хор: Во всю зе́млю изы́де веща́ние их, и в концы́ вселе́нныя глаго́лы их.

Чтец: **Глас 4 (святой):** Дивен Бог во святы́х Свои́х, Бог Изра́илев.

Хор: Дивен Бог во святы́х Свои́х, Бог Изра́илев.

ЧТЕНИЕ АПОСТОЛА:

Диакон: Премудрость.

Чтец: К Коринфяном, послания святаго апостола Павла чтение.

Диакон: Вонмем.

Чтение дня (1Кор. 14:6–19, зач. 155):

Чтец: Братие, аще прииду к вам языки глаголя, кую вам пользу сотворю, аще вам не глаголю или во откровении, или в разуме, или в пророчестве, или в научении? Обаче бездушная глас дающая, аще сопель, аще гусли, аще разнствия писканием не дадут, како разумно будет пискание или гудение? Ибо аще безвестен глас труба даст, кто уготовится на брань? Тако и вы аще не благоразумно слово дадите языком, како уразумется глаголемое? Будете бо на воздух глаголюще. Толики убо, аще ключится, роди гласов суть в мире, и ни един их безгласен. Аще убо не увем силы гласа, буду глаголющему иноязычник, и глаголющий мне иноязычник. Тако и вы, понеже ревните естество духовом, яже к созиданию церкви просите, да избыточествуете. Темже глаголяй языком да молится, да скажет. Аще бо молюся языком, дух мой молится, а ум мой без плода есть. Что убо есть? Помолюся духом, помолюся же и умом, воспую духом, воспую же и умом. Понеже аще благословиши духом, исполняя место невежды како речет аминь, по твоему благодарению? Понеже не вест, что глаголеши. Ты убо добре благодарши, но другой не созидается. Благодарю Бога моего, паче всех вас языки глаголя, но в церкви хочу пять словес умом моим глаголати, да и иные польую, нежели тмы словес языком.

Чтёние святой (от полу́) (Гал. 4:22–31, зач. 210):

Бра́тие, Авраа́м два сы́на име́: еди́наго от рабы́, а друго́го от свобо́дныя. Но и́же от рабы́, по плóти роди́ся, а и́же от свобо́дныя, по обетова́нию. Я́же еста́ иносказа́ема, сия́ бо еста́ два завета́: еди́н у́бо от горы́ Сина́йския, в рабо́ту ражда́яй, и́же есть Ага́рь. Ага́рь бо, Сина́ гора́ есть во Аравии́, прилага́ется же ны́нешнему Иерусали́му, рабо́тает же с ча́ды свои́ми. А вы́шний Иерусали́м свобо́дь есть, и́же есть ма́ти всем нам. Пи́сано бо есть: возвесели́ся, непло́ды, не ражда́ющая, расто́ргни и возопи́, неболя́щая, я́ко мно́га ча́да пусты́я па́че, не́жели иму́щия му́жа. Мы же, бра́тие, по Исаа́ку обетова́ния ча́да есмь. Но я́коже тогда́ по плóти роди́выйся гоня́ше духо́внаго, та́ко и ны́не. Но что глаго́лет Пи́сание? Изжени́ рабу́ и сы́на ея́, не има́ть бо насле́довати сын рабы́нин с сы́ном свобо́дныя. Те́мже, бра́тие, не́смы рабы́нина ча́да, но свобо́дныя.

Иерей: Мир ти.

Чтец: И ду́хови твоему́.

Диакон: Прему́дрость.

АЛЛИЛУА́РИИ:

Чтец (дня): Аллилу́ия, аллилу́ия, аллилу́ия, **глас 1:** Испове́дят небеса́ чудеса́ Твоя́, Го́споди, и́бо и́стину Твою́ в Це́ркви святы́х.

Хор: Аллилу́ия, аллилу́ия, аллилу́ия.

Чтец: Бог прославля́ем в сове́те святы́х.

Хор: Аллилу́ия, аллилу́ия, аллилу́ия.

Чтец (святой): **Глас 4:** Спасе́ние пра́ведных от Го́спода, и защи́титель им есть во вре́мя ско́рби.

Хор: Аллилу́ия, аллилу́ия, аллилу́ия.

Диакон: Благослови́, влады́ко, благовестите́ля свята́го Апóстола и Евангели́ста Матфе́я.

Иерей: Бог, моли́твами свята́го, сла́внаго, всехва́льнаго Апóстола и Евангели́ста Матфе́я, да да́ст тебе́ глаго́л благовесту́ющему си́лою мно́гою, во исполне́ние Ева́нгелия возлю́бленнаго Сы́на Своего́, Го́спода на́шего Иису́са Христа́.

Диакон: Ами́нь.

Диакон: Прему́дрость, прóсти, услы́шим свята́го Ева́нгелия.

Иерей: Мир всем.

Хор: И ду́хови твоему́.

Диакон: От Матфе́я свята́го Ева́нгелия чтéние.

Хор: Сла́ва Тебе́, Го́споди, сла́ва Тебе́.

ЧТÉНИЕ ЕВА́НГЕЛИЯ:

Диакон: Во́ннем.

Чтение дня (Мф. 20:17–28, зач. 81):

Диакон: Во вре́мя о́но, восходя́ Иису́с во Иерусали́м, поя́т обана́десять учени́ка еди́ны на пу́ти и рече́ им: се восходи́м во Иерусали́м, и Сын Человече́ский пре́дан бу́дет архиере́ем и кни́жником, и осу́дят Его́ на смерть, и преда́ят Его́ язы́ком на поруга́ние и би́ение и пропя́тие, и в тре́тий день воскресе́нет. Тогда́ приступи́ к Нему́ ма́ти сы́ну Зеведе́ову с сынóма свои́ма, кланя́ющися и прося́щи не́что от Него́. Он же рече́ ей: че́со хощеши? Глаго́ла Ему́: рцы, да сяде́та сия́ о́ба сы́на моя́, еди́н одесну́ю Тебе́, и еди́н ошу́юю Тебе́, во Ца́рствии Твое́м. Отвеща́в же Иису́с рече́: не ве́стася, че́со про́сита. Мо́жета ли пи́ти ча́шу, ю́же Аз има́м пи́ти, или́ креще́нием, и́мже Аз креща́юся, крестите́ся? Глаго́ласта Ему́: мо́жева. И глаго́ла има́: ча́шу у́бо Мою́ испи́ета, и креще́нием, и́мже Аз креща́юся, крестите́ся, а е́же се́сти одесну́ю Мене́ и ошу́юю Мене́, несть Моё́ да́ти, но и́мже угото́вася

от Отца Моего. И слышавше десять, негодоваша о обою брату. Иисус же призвав их, рече: весте, яко князи язык господствуют ими, и велиции обладают ими. Не тако же будет в вас, но иже аще хощет в вас вящий быти, да будет вам слуга, и иже аще хощет в вас быти первый, буди вам раб, якоже Сын Человеческий не прииде, да послужат Ему, но послужити и дати душу Свою избавление за многих.

Чтение святой (Лк. 8:16-21, зач. 36):

Рече Господь: никтоже убо светильника вжиг, покрывает его сосудом, или под одр подлагает, но на свещник возлагает, да входящий видят свет. Несть бо тайно, еже не явлено будет, ниже утаено, еже не познается и в явление придет. Блюдитесь убо, како слышите, иже бо имать, дастся ему, и иже аще не имать, и еже мнится имея, возмется от него. Приидоша же к нему Мати и братия Его, и не можаху беседовати к нему народа ради. И возвестиша ему, глаголюще: Мати Твоя и братия Твоя вне стоят, видети Тя хотяще. Он же отвещав рече к ним: матери Моя и братия Моя сии суть, слышащие слово Божие, и творяще е.

Хор: Слава Тебе, Господи, слава Тебе.

ЕКТЕНИЯ СУГУБАЯ:

Диакон: Рцем вси от всея души, и от всего помышления нашего рцем.

Хор: Господи, помилуй.

Диакон: Господи Вседержителю, Боже отец наших, молим Ти ся, услыши и помилуй.

Хор: Господи, помилуй.

Диакон: Помилуй нас, Боже, по велицей милости Твоей, молим Ти ся, услыши и помилуй.

Хор: Господи, помилуй. *(Трижды, на каждое прошение)*

Диакон: Еще молимся о Великом Господине и Отце нашем Святейшем Патриархе Кирилле, и о Господине нашем Высокопреосвященнейшем митрополите *(или: архиепископе, или: преосвященнейшем епископе иярек)*, и всей во Христе братии нашей.

Еще молимся о Богохранимей стране нашей, властях и воинстве ея, да тихое и безмолвное житие поживем во всяком благочестии и чистоте.

Еще молимся о братиях наших, священниках, священномонахах, и всем во Христе братстве нашем.

Еще молимся о блаженных и приснопамятных создателях святого храма сего, и о всех преждепочивших отцах и братиях, где лежащих и повсюду, православных.

Еще молимся о милости, жизни, мире, здравии, спасении, посещении, прощении и оставлении грехов рабов Божиих настоятеля, братии и прихожан святого храма сего.

Еще молимся о плодоносящих и добродельных во святом и всечестном храме сем, труждающихся, поющих и предстоящих людех, ожидающих от Тебе великия и богатыя милости.

Иерей: Яко Милостив и Человеколюбец Бог еси, и Тебе славу возсылаем, Отцу и Сыну и Святому Духу, ныне и присно и во веки веков.

Хор: Аминь.

ЗАУПОКОЙНАЯ ЕКТЕНИЯ⁴:

Диакон: Помилуй нас, Боже, по велицей милости Твоей, молим Ти ся, услыши и помилуй.

Хор: Господи помилуй. *(Трижды на каждое прошение)*.

Диакон: Еще молимся о упокоении душ усопших рабов Божиих *(здесь перечисляются имена)* и о еже проститися им всякому прегрешению, вольному же и невольному.

Хор: Господи помилуй, господи помилуй, господи помилуй. *(Поется медленно)*

⁴ Обычно опускается, в праздничные и воскресные дни и в поспразднство Пасхи.

Яко да Господь Бог учинит души их, идеже праведнии упокоются.

Милости Божия, Царства Небеснаго и оставления грехов их у Христа, Бессмертнаго Царя и Бога нашего, просим.

Хор: Подай, Господи.

Диакон: Господу помолимся.

Хор: Господи, помилуй.

Иерей: Яко Ты еси воскресение, и живот, и покой усопших раб Твоих (*здесь могут перечисляться имена, но чаще всего нет*), Христэ Боже наш, и Тебе славу возсылаем, со Безначальным Твоим Отцем и Пресвятым и Благим и Животворящим Твоим Духом, ныне и присно и во веки веков.

Хор: Аминь.

ЕКТЕНИЯ ОБ ОГЛАШЕННЫХ:

Диакон: Помолитесь, оглашеннии, Господеви.

Хор: Господи, помилуй. (*На каждое прошение*)

Диакон: Вернии, о оглашенных помолимся, да Господь помилует их.

Огласит их словом истины.

Откроет им Евангелие правды.

Соединит их святей Своей соборней и апостольстей Церкви.

Спаси, помилуй, заступи и сохрани их, Боже, Твоею благодатию.

Оглашеннии, главы ваша Господеви приклоните.

Хор: Тебе, Господи.

Иерей: Да и тии с нами славят пречестное и великолепое имя Твое, Отца, и Сына, и Святаго Духа, ныне и присно, и во веки веков.

Хор: Аминь.

ЕКТЕНИЯ ВЕРНЫХ, ПЕРВАЯ:

Диакон: Елицы оглашеннии, изыдите, оглашеннии, изыдите. Елицы, оглашеннии, изыдите. Да никто от оглашенных, елицы вернии, паки и паки миром Господу помолимся.

Хор: Господи, помилуй.

Диакон: Заступи, спаси, помилуй и сохрани нас, Боже, Твоею благодатию.

Хор: Господи, помилуй.

Диакон: Премудрость.

Иерей: Яко подобает Тебе всякая слава, честь и поклонение, Отцу, и Сыну, и Святому Духу, ныне и присно, и во веки веков.

Хор: Аминь.

ЕКТЕНИЯ ВЕРНЫХ, ВТОРАЯ:

Диакон: Паки и паки, миром Господу помолимся.

Хор: Господи, помилуй. (*На каждое прошение*)

Диакон: О свѣшнем мире и спасении душ наших, Господу помолимся.

О мире всего мира, благостоянии святых Божиих церквей и соединении всех, Господу помолимся.

О святем храме сем и с верою, благоговением и страхом Божиим входящих в оны, Господу помолимся.

О избавитися нам от всякия скорби, гнева и нужды, Господу помолимся.

Заступи, спаси, помилуй и сохрани нас, Боже, Твоею благодатию.

Хор: Господи, помилуй.

Диакон: Премудрость.

Иерей: Яко да под державою Твоею всегда храними, Тебе славу возсылаем, Отцу, и Сыну, и Святому Духу, ныне и присно, и во веки веков.

Хор: Аминь.

ХЕРУВИМСКАЯ ПЕСНЬ:

Хор: Иже Херувимы тайно образуяще и животворящей Троице Трисвятую песнь припевающе, всякое ныне житейское отложим попечение.

ВЕЛИКИЙ ВХОД:

Диакон: Великаго господина и отца нашего Кирилла, Святейшаго Патриарха Московскаго и всея Руси, и господина нашего (*Высоко*)Преосвященнейшаго (*имярек*), (*архи*)епископа (*митрополита (титул)*), да помянет Господь Бог во Царствии Своём всегда, ныне и присно, и во веки веков.

Иерей: Преосвященныя митрополиты, архиепископы и епископы, и весь священнический и монашеский чин, и причет церковный, братию святого храма сего, всех вас, православных христиан, да помянет Господь Бог во Царствии Своём, всегда, ныне и присно, и во веки веков.

Хор: Аминь. Яко да Царя всех подыдем, ангельскими невидимо доносима чинми. Аллилуиа, аллилуиа, аллилуиа.

ЕКТЕНИЯ ПРОСИТЕЛЬНАЯ:

Диакон: Исполним молитву нашу Господеви.

Хор: Господи, помилуй. (*На каждое прошение*)

Диакон: О предложенных Честных Дарех, Господу помолимся.

О святом храме сем, и с верою, благоговением и страхом Божиим входящих в оный, Господу помолимся.

О избавитися нам от всякия скорби, гнева и нужды, Господу помолимся.

Заступи, спаси, помилуй и сохрани нас, Боже, Твоею благодатью.

Хор: Господи, помилуй.

Диакон: Дне всего совершенна, свята, мирна и безгрешна у Господа просим.

Хор: Подай, Господи. (*На каждое прошение*)

Диакон: Ангела мирна, верна наставника, хранителя душ и телес наших, у Господа просим.

Прощения и оставления грехов и прегрешений наших у Господа просим.

Добрых и полезных душам нашим и мира миру у Господа просим.

Прочее время живота нашего в мире и покаянии скончати у Господа просим.

Христианския кончины живота нашего, безболезнены, непостыдны, мирны и добраго ответа на Страшнем Судищи Христове просим.

Пресвятую, Пречистую, Преблагословенную, Славную Владычицу нашу Богородицу и Приснодеву Марию, со всеми святыми помянувши, сами себе, и друг друга, и весь живот наш Христу Богу предадим.

Хор: Тебе, Господи.

Иерей: Щедротами Единороднаго Сына Твоего, с Нимже благословен еси, со Пресвятым и Благим и Животворящим Твоим Духом, ныне и присно, и во веки веков.

Хор: Аминь.

Иерей: Мир всем.

Хор: И дѹхови твоємѹ.

Диакон: Возлюбим друг друга, да единомыслием исповѣмы.

Хор: Отца, и Сына, и Святаго Дѹха, Троицу единосущную и нераздельную.

Диакон: Двери, двери, премудростию вонмем.

СИМВОЛ ВѢРЫ:

Вѣрую во единого Бога Отца Вседержителя, Творца небу и земли, видимым же всем и невидимым. И во единого Господа Иисуса Христа, Сына Божия, Единородного, Иже от Отца рожденного прежде всех век. Света от Света, Бога истинна от Бога истинна, рождена, несотворенна, единосущна Отцу, Имже вся быша. Нас ради человек и нашего ради спасения сшедшаго с небес и воплотившагося от Духа Свята и Марии Девы и вочеловечшася. Распятого же за ны при Понтийстем Пилате, и страдавша, и погребенна. И воскресшаго в третий день по Писанием. И возшедшаго на небеса, и сидяща одесную Отца. И паки грядущаго со славою судити живым и мертвым, Егоже Царствию не будет конца. И в Духа Святаго, Господа, Животворящаго, Иже от Отца исходящаго, Иже со Отцем и Сыном спокланяема и славима, глаголавшаго пророки. Во едину Святую, Соборную и Апостольскую Церковь. Исповѣдую едино крещение во оставление грехов. Чаю воскресения мертвых, и жизни будущаго века. Аминь.

ЕВХАРИСТИЧЕСКИЙ КАНОН:

Диакон: Станем добре, станем со страхом, вонмем, святое возношение в мире приносить.

Хор: Милость мира, жертву хваления.

Иерей: Благодать Господа нашего Иисуса Христа, и любви Бога и Отца, и причастие Святаго Духа, буди со всеми вами.

Хор: И со духом твоим.

Иерей: Горé имéим сердца.

Хор: Имамы ко Господу.

Иерей: Благодарим Господа.

Хор: Достойно и праведно есть поклоняться Отцу и Сыну, и Святому Духу, Троице единосущней и нераздельней.

Иерей: Победную песнь поюще, вопиюще, взывающе и глаголюще.

Хор: Свят, свят, свят Господь Саваоф, исполнь небо и земля славы Твоея; осанна в вышних, благословен Грядый во имя Господне, осанна в вышних.

Иерей: Примите, ядите, сие есть Тело Моё, еже за вы ломимое во оставление грехов.

Хор: Аминь.

Иерей: Пийте от нея вси, сия есть Кровь Моя Новаго Завета, яже за вы и за многия изливаемая, во оставление грехов.

Хор: Аминь.

Иерей: Твоя от Твоих Тебе приносяще, о всех и за вся.

Хор: Тебе поём, Тебе благословим, Тебе благодарим, Господи, и молим Ти ся, Боже наш.

Иерей: Изрядно о Пресвятей, Пречистой, Преблагословенней, Славней Владычице нашей Богородице и Приснодеве Марии.

ДОСТОЙНО ЕСТЬ:

Хор: Достойно есть яко воистинну блажити Тя, Богородицу, Присноблаженную и Пренепорочную и Матерь Бога нашего. Честнейшую Херувим и славнейшую без сравнения Серафим, без истления Бога Слова рождшую, сущую Богородицу Тя величаем.

Иерей: В первых помяни, Господи, великаго господина и отца нашего Кирилла, Святэйшаго Патриарха Московскаго и всея Руси, и господина нашего *(Высоко)* Преосвященнейшаго *(имярек)*, *(архи)*епископа *(митрополита (титул))*, ихже даруй святым Твоим церквам, в мире, целых, честных, здравых, долгоденствующих, право правящих слово Твоея истины.

Хор: И всех, и вся.

Иерей: И даждь нам едиными усты и едином сердцем славити и воспевати пречестное и великолюбное имя Твое, Отца, и Сына, и Святаго Духа, ныне и присно, и во веки веков.

Хор: Аминь.

Иерей: И да будут милости великаго Бога и Спаса нашего Иисуса Христа со всеми вами.

Хор: И со духом твоим.

ЕКТЕНИЯ ПРОСИТЕЛЬНАЯ:

Диакон: Вся святые помянувши, паки и паки миром Господу помолимся.

Хор: Господи, помилуй. *(На каждое прошение)*

Диакон: О принесенных и освященных Честных Дарех, Господу помолимся.

Яко да человеколюбец Бог наш, прием я во святой и пренебесный и мысленный Свой жертвенник, в воню благоухания духовнаго, возниспослет нам Божественную благодать и дар Святаго Духа, помолимся.

О избавитися нам от всякия скорби, гнева и нужды, Господу помолимся.

Заступи, спаси, помилуй и сохрани нас, Боже, Твоею благодатию.

Хор: Господи, помилуй.

Диакон: Дне всего совершенна, свята, мирна и безгрешна у Господа просим.

Хор: Подай, Господи. *(На каждое прошение)*

Диакон: Ангела мирна, верна наставника, хранителя душ и телес наших, у Господа просим.

Прощения и оставления грехов и прегрешений наших у Господа просим.

Добрых и полезных душам нашим и мира миру у Господа просим.

Прочее время живота нашего в мире и покаянии скончати у Господа просим.

Христианския кончины живота нашего, безболезнены, непостыдны, мирны и добраго ответа на Страшнем Судищи Христове просим.

Соединение веры и причастие Святаго Духа испросивше, сами себе, и друг друга, и весь живот наш Христу Богу предадим.

Хор: Тебе, Господи.

Иерей: И сподоби нас, Владыко, со дерзновением, неосужденно смети призывати Тебе, Небеснаго Бога Отца, и глаголати:

МОЛИТВА ГОСПОДНЯ:

Отче наш, Иже еси на небесех, да святится имя Твое, да придет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Иерей: Яко Твое есть Царство, и сила, и слава, Отца, и Сына, и Святаго Духа, ныне и присно, и во веки веков.

Хор: Аминь.

Иерей: Мир всем.

Хор: И духови твоему.

Диакон: Главы́ ва́ша Го́сподеви приклоните.

Хор: Тебе́, Го́споди.

Иерей: Благода́тию, и щедро́тами, и человеколю́бием Единоро́днаго Сы́на Твоего́, с Ни́мже благослове́н еси́, со Пресвяты́м и Благо́м и Животворя́щим Твои́м Ду́хом, ны́не и прѣсно, и во ве́ки веко́в.

Хор: Ами́нь.

Диакон: Во́нмем.

Иерей: Свята́я святы́м.

Хор: Еди́н свят, еди́н Госпо́дь, Иису́с Христо́с, во сла́ву Бо́га Отца́. Ами́нь.

ПРИЧА́СТНЫ:

Прича́стен дня:

Хор: Во всю зе́млю изы́де веща́ние их, и в концы́ вселенны́я глаго́лы их.

Прича́стен святой:

Хор: Радуйте́ся, праведни́и, о Господе, правы́м подобает похвала.

Хор: Аллилу́ия, Аллилу́ия, Аллилу́ия.

ПРИЧА́СТИЕ:

Диакон: Со стра́хом Бо́жиим и ве́рою присту́пите.

Хор: Благословен Гряды́й во и́мя Госпо́дне, Бог Госпо́дь и яви́ся нам.

Иерей: Ве́рую, Го́споди, и испове́дую, я́ко Ты еси́ вои́стинну Христо́с, Сын Бо́га жива́го, прише́дый в мир грѣшны́я спасти́, от ни́хже пе́рвый есмь аз. Ещѣ ве́рую, я́ко си́е е́сть са́мое пречи́стое Те́ло Твое́, и си́я е́сть са́мая честна́я Кро́вь Твоя́. Молю́ся у́бо Тебе́: поми́луй мя и прости́ ми прегреше́ния моя́, во́льная и нево́льная, я́же сло́вом, я́же де́лом, я́же ве́дением и неве́дением, и сподо́би мя неосу́ждённо причастити́ся пречи́стых Твои́х Та́инств, во оставле́ние грехо́в и в жизнь ве́чную. Ами́нь.

Ве́чера Твоея́ та́йныя днесь, Сы́не Бо́жий, прича́тника мя приими́; не бо враго́м Твои́м та́йну пове́м, ни лобза́ния Ти дам, я́ко Иу́да, но я́ко разбо́йник испове́даю Тя: помяни́ мя, Го́споди, во Ца́рствии Твоём.

Да не в суд или́ во осужде́ние бу́дет мне причаще́ние Святы́х Твои́х Та́ин, Го́споди, но во исцеле́ние ду́ш и те́ла.

Во вре́мя Причаще́ния люде́й:

Хор: Те́ло Христо́во приими́те, Исто́чника безсме́ртнаго вкусите.

После Причащения люде́й:

Хор: Аллилу́ия, аллилу́ия, аллилу́ия. (обычно поется несколько раз)

Иерей: Спаси́, Бо́же, лю́ди Твоя́, и благослови́ досто́яние Твое́.

Хор: Ви́дехом свет и́стинный, прияхом Ду́ха Небе́снаго, обрето́хом ве́ру и́стинную, неразде́льной Трои́це поклоня́емся, Та бо нас спасла́ е́сть.

Иерей: Всегда́, ны́не и прѣсно, и во ве́ки веко́в.

Хор: Ами́нь. Да испо́лнятся уста́ на́ша хвале́ния Твоего́ Го́споди, я́ко да поём сла́ву Твою́, я́ко сподо́бил еси́ нас причастити́ся Святы́м Твои́м, Божѣственным, безсме́ртным и животворя́щим Та́инам, соблюди́ нас во Твое́й святы́ни весь день поуча́тися пра́вде Твое́й. Аллилу́иа, аллилу́иа, аллилу́иа.

ЕКТЕНИ́Я ЗАКЛЮ́ЧИТЕЛЬНАЯ:

Диакон: Прости́ прии́мше Божѣственных, святы́х, пречи́стых, безсме́ртных, небе́сных и животворя́щих, стра́шных Христо́вых Та́ин, досто́йно благодарим Го́спода.

Хор: Го́споди, поми́луй.

Диáкон: Заступи́, спаси́, помилуй и сохрани́ нас, Бо́же, Твоею́ благодáтию.

Хор: Гóсподи, помилуй.

Диáкон: День весь совершён, свят, мирен и безгрёшен испроси́вше, са́ми себе́ и друг дру́га, и весь живóт наш Христу́ Бо́гу преда́дим.

Хор: Тебе́, Гóсподи.

Иерей: Яко Ты еси́ освящéние на́ше, и Тебе́ сла́ву возсыла́ем, Отцу́, и Сы́ну, и Свято́му Ду́ху, ны́не и прísно, и во ве́ки веко́в.

Хор: Амíнь.

Иерей: С миром изы́дем.

Хор: О и́мени Господни.

Диáкон: Гóсподу помóлимся.

Хор: Гóсподи, помилуй.

Заамвóнная молíтва:

Иерей: Благословля́яй благословя́щая Тя, Гóсподи, и освяща́яй на Тя упова́ющия, спаси́ лю́ди Твоя́ и благослови́ достойные Твое́, исполнэние Цéркве Твое́й сохрани́, освяти́ любя́щая благолэпие до́му Твоего́: Ты тех возпросла́ви Божéственною Твоею́ си́лою, и не оста́ви нас, упова́ющих на Тя. Мир мiрови Твоему́ да́руй, цéрквам Твои́м, священником, во́инству и всем лю́дем Твои́м. Яко вся́кое да́ние бла́го, и всяк дар совершён свы́ше есть, сходя́й от Тебе́ Отца́ свéтов, и Тебе́ сла́ву, и благодарэние, и поклонэние возсыла́ем, Отцу́, и Сы́ну, и Свято́му Ду́ху, ны́не и прísно, и во ве́ки веко́в.

Хор: Амíнь. Буди́ Имя́ Господне́ благословéно от ны́не и до ве́ка. *(Три́жды)*

Псалóм 33:

Хор: Благословлю́ Гóспода на вся́кое вре́мя, вiну хвалá Егó во устéх мои́х. О Гóсподе похва́лится душа́ моя́, да услы́шат крóтции, и возвеселя́тся. Возвели́чите Гóспода со мно́ю, и вознесём И́мя Егó вку́пе. Взыска́х Гóспода, и услы́ша мя, и от все́х скорбéй мои́х изба́ви мя. Приступите́ к Нему́, и просветитесь, и лица́ ва́ша не посты́дятся. Сей ни́щий воззва́, и Господь услы́ша и, и от все́х скорбéй егó спасé и. Ополчítся А́нгел Господень о́крест боя́щихся Егó, и изба́вит их. Вкуси́те и ви́дите, я́ко благ Господь: блаже́н муж, и́же упова́ет Нань. Бóйтесь Гóспода, вси́ святiи Егó, я́ко несть лишéния боя́щимся Егó. Богáтии обнища́ша и взалка́ша: взыска́ющии же Гóспода не лишáтся вся́каго бла́га. Приидите́, ча́да, послу́шайте мене́, стра́ху Господню́ научу́ вас. Ктó есть человек хотя́й живóт, любя́й дни ви́дети бла́ги? Удержи́ язык твой от зла, и устне́ твой, е́же не глаго́лати льсти. Уклони́ся от зла и сотвори́ бла́го. Взыщи́ мiра, и поженí и́. Очи Господни на пра́ведныя, и у́ши Егó в молíтву их. Лице́ же Господне́ на творя́щая зла́я, е́же потребiти от земли́ па́мьть их. Воззва́ша пра́веднии, и Господь услы́ша их, и от всех скорбéй их изба́ви их. Близ Господь сокрушённы́х сёрдцем, и смире́нныя ду́хом спасéт. Мно́ги скóрби пра́ведным, и от всех их изба́вит я́ Господь. Хранíт Господь вся́ кóсти их, ни еди́на от них сокрушítся. Смерть грёшников люта́, и ненави́дящии пра́веднаго прегрешáт. Изба́вит Господь ду́ши раб Свои́х, и не прегрешáт вси, упова́ющии на Него́.

Иерей: Благословэние Господне́ на ва́с, Того́ благодáтию и человеколю́бием, всегда́, ны́не и прísно, и во ве́ки веко́в.

Хор: Амíнь.

Иерей: Сла́ва Тебе́, Христе́ Бо́же, упова́ние на́ше, сла́ва Тебе́.

Хор: Слава́ Отцу́ и Сы́ну и Свято́му Ду́ху и ны́не и присно́ и во ве́ки веко́в. Амíнь. Гóсподи, помилуй. *(Три́жды)* Благослови́.

Иерей: *Произносит праздничны́й или́ дневной отпуст.*

Хор: Великаго Господина и Отца нашего Кирилла, Святейшаго Патриарха Московского и всея Руси, и Господина нашего *(Высоко)* Преосвященнейшаго *(имярек)*, *(архи)* епископа *(митрополита (титул))*, богохранимую страну нашу Российскую, настоятеля, братию и прихожан святого храма сего и вся православныя христианы, Господи, сохрани их на многая лета.